

四庫全書

經部

欽定四庫全書

經部

周禮句解

目錄

詳校官監察御史臣邱文愷

刑部郎中臣許兆椿覆勘

總校官庶吉士臣何思鈞

校對官助教臣胡予襄

謄錄貢生臣王時發

欽定四庫全書

經部四

周禮句解目錄

禮類一周禮之屬

卷一

天官冢宰上

卷二

天官冢宰下

卷三

地官司徒上

卷四

地官司徒下

卷五

春官宗伯一

卷六

春官宗伯下

卷七

夏官司馬上

卷八

夏官司馬下

卷九

秋官司寇上

卷十

秋官司寇下

卷十一

冬官考工記上

卷十二

冬官考工記下

臣等謹案周禮句解十二卷宋朱申撰是書

逐句詮釋大畧根據注疏義取簡約其中所見有與注疏異者則顯易其說若太宰之職五曰貢職鄭注曰賦口率出泉也貢功也九職之功所稅也而是書則易之曰賦稅也貢獻也有力主注疏而曲為引証者若大司徒

諸公之地封疆方五百里以下則堅守注中
半為附庸之說而不執孟子王制以疑周禮
至於注疏之是非疑不能決者若小司徒四
邑為甸以下注謂旁加之數乃治洹澮之數
大司樂圜鍾為宮以下註謂天宮夾鍾不用
中呂等律以其與地宮同位之類則皆闕而
不載雖循文訓詁無大發明而較之竄亂古
經橫生新義者猶不失謹嚴之義惟序官乃

經文之綱領申以其無假詮釋遂削而不載
頗乖體要是則因陋就簡之失亦不必曲為
之諱矣乾隆四十三年三月恭校上

總纂官

臣紀昀臣陸錫熊臣孫士毅

總校官

臣

陸費墀

欽定四庫全書

周禮句解卷一

宋 朱申 撰

周禮

成王幼周公以叔父而攝政制禮作樂以致太平及歸政之日因典章文物之盛著為六典實

周家一代之禮

天官冢宰第一

周家取法天地四時以建六官冢宰曰天官者以其總御衆官猶天

道統理萬物也冢大也司徒司馬司寇司空皆曰司以其各主一官也冢宰兼總六官故不言司也宗伯亦不言司者以祭祀鬼神非人所主也

天官冢宰上

惟王建國

王三代君天下之稱也國王者辨所都也此言周王之建立都國辨

東西南北之四方而正祖社朝市之位

體國經野

體猶分也經猶畫也城中曰國郊外曰野

體國營其國之宮城門涂猶人身之有四體經野治其野之丘甸溝洫如織之有經緯

設官分

職

設置也分別也官猶冢宰司徒之類職猶掌治掌教之類

以為民極

以為斯民至極之標

準乃立天官冢宰

於是建立天官冢宰之職

使帥其屬而掌邦治

邦治謂總六官之職也天官其屬六十冢宰帥之而掌邦治焉帥音率屬音蜀治去聲凡方欲治之者係

活字皆平聲已治政治等係死字皆去聲後可以意求之

以佐王均邦國

以佐助天子而

均齊天下
之邦國

大宰之職

卿一人
冢宰列職

大宰即冢宰也兼總六官故曰掌
於王故曰大宰職所掌之事也

掌

建邦之六典

建立也邦國也典常
法也六典其目在下

以佐王治邦國

不言

均邦國者治則理之而已均則治之盛
也大宰用此六典輔佐王者理天下

一曰治典

天官

之以經邦國

經猶緯之有經治邦國
有節制之道故以經言

以治官府

百官所居

曰以紀萬民

紀猶綱之有紀治萬民
者務致其詳故以紀言

二曰教典

地官之典

以安邦國

安寧之也

以教官府

教訓之也

以擾萬民

擾馴之也
謂順民之

性而不
拂其宜

三曰禮典

春官之典

以和邦國

和不乖也

以統百官

猶統

合也禮典以下不曰官府而曰百官者尊天地二官不局其數也

以諧萬民

諧調也

四

曰政典

夏官之典政軍政也

以平邦國

軍政所以平定天下故曰平

以正百

官

政者正也以均萬民

有貢賦之事故云均

五曰刑典

秋官之典

以詰邦

國

詰問也隱而難知故謂之詰詰起乙反

以刑百官

顯而易見則直刑之而已

以糾

萬民

糾猶察也

六曰事典

冬官之典

以富邦國

富豐於財也

以任百

官

任猶使也

以生萬民

生猶養也

以八灋治官府

八法其目在下官府

注見上灋古法字

一曰官屬

六官之屬

以舉邦治

舉而行之

二曰官職

六官所治之事謂之職

以辨邦治

其職各有司存故曰辨

三曰官聯

聯謂通職

連事以相佐助以會官治邦治總官民而言官治指官府而言衆官共舉則事得會合而成

四曰官常常謂以昔所常行者著之於例以聽官治百官違其常者則以此而聽察

之五曰官成成謂載之簡書以為著令以經邦治經謂以之繩墨於民六曰

官灋官府所奉行之法以正邦治正謂以之整齊其民七曰官刑治官府之

刑以糾邦治糾察也八曰官計平治官吏之計以弊邦治弊斷也

音蔽以八則治都鄙則亦法也其詳由法其畧曰則都鄙公卿大夫所食之采地也

以其有邑故謂之都以其在國一曰祭祀宗廟社稷之鄙故謂之鄙八則其目在下

以馭其神馭猶馬之在馭祭祀有廢置故言馭其神馭音御二曰灋則此官中之法則

以馭其官

官之所守惟法則之從故言馭其官

三曰廢置

有罪則廢有行則置以

馭其吏

官謂治事者吏謂治人者

四曰祿位

祿俸也位爵也

以馭其士

吏謂

已仕者士謂未仕者

五曰賦貢

賦稅也貢獻也

以馭其用

都鄙之用度量貢賦之所

入以

六曰禮俗

以禮節其風俗

以馭其民

不求變俗而禮行焉

七曰刑

賞

刑以懲惡賞以勸善

以馭其威

獨言威者欲民之畏刑而為善則蒙賞者衆矣

八曰

田役

因四時之田而役使之

以馭其衆

田以簡衆役以任衆

以八柄詔

王馭羣臣

柄猶器之有柄詔告也八柄者天子所以馭羣臣非人臣所可預故冢宰以詔於王

一曰爵

謂內則公卿大夫士外則公侯伯子男也

以馭其貴

有爵則貴故爵所以馭貴

二曰祿

祿仕者之俸也

以馭其富

有祿則富故祿所以馭富

三曰予

爵祿之外

有所賜也

以馭其幸

出於特恩故曰幸

四曰置

置之於位

以馭其

行

目其人有賢行行下孟反

五曰生

生猶養也

以馭其福

臣有勲勞而祿及子孫是

福祐之也六曰奪

臣有罪而沒其家財

以馭其貧

奪其所故貧

七曰廢

不忍

殺之放之以遠

以馭其罪

以其人有罪也

八曰誅

責也

以馭其過

罪重故放

之過輕故誅之謂責之以言也

以八統詔王馭萬民

統言舉於此而彼從之王

躬行於上而民從之故八統可以馭萬民也

一曰親親

親睦九族

二曰敬故

敬重

故舊三曰進賢

有德者進用之

四曰使能

有才者役使之

五曰保庸

安有

功者

六曰尊貴

榮有爵者

七曰達吏

吏謂在下位者達謂進之於上

八曰禮

賓

賓謂諸侯禮謂與之行賓主揖遜之禮

以九職任萬民

以九者職業任使萬

民

一曰三農

山澤平地三等之農

生九穀

生種也九穀謂黍稷稻粱秫苽麻麥豆也

二曰園圃

樹瓜果曰園樹其樊也

毓草木

毓與育同謂順草木之性而養之也

三

曰虞衡

掌山澤之官

作山澤之材

山澤所產之材作而用之

四曰藪牧

藪無水之地牧有畜之地數皆吏

養蕃鳥獸

養畜也蕃咸也飛曰鳥走曰獸

五曰百

工

興事造業謂之工

飭化八材

材勤力以化八者之材八材謂珠曰切象曰磋玉曰琢石曰

磨木曰刻金曰鏤革曰剝羽曰析

六曰商賈

行貨曰商坐貨曰賈賈音古

阜通貨

賄阜盛也金玉曰貨布 七曰嬪婦嬪有夫者婦有姑者嬪音頻 化

治絲枲化治者化而後治之也絲繭之已 八曰臣妾

臣男之賤者 聚斂聚斂謂蓄積之疏材百 九曰妾女之賤者

閒民無事業者 無常職八職有常 轉移執事若今庸

者以九賦斂財賄上取於下曰賦斂聚也財帛布

取於一曰邦中之賦在城郭者 二曰四郊之賦四郊謂四

國百里六三曰邦甸之賦去國二 四曰家削之賦去

三百里以大夫所食采邑 五曰邦縣之賦去國四 六

曰邦都之賦

去國五百里

七曰關市之賦

關以征其貨之出入市以征其

貨之所在八曰山澤之賦

虞衡所掌

九曰幣餘之賦

職幣所斂

掌事之餘財

以九式均節財用

式謂用財之節度均節之使無有餘不足之患

一曰祭祀之式

祭祀有大小其禮各有豐殺

二曰賓客之式

諸侯

為賓諸侯之臣為客其禮各有等差

三曰喪荒之式

喪有贈賻含襚之禮荒有散利遺民

之費四曰羞服之式

羞飲食也服衣裳也

五曰工事之式

百工之事各有

作器物之法

六曰幣帛之式

幣帛所以贈勞賓客者

七曰芻秣之式

草謂之芻穀謂之秣所以養牛馬也

八曰匪頒之式

匪分也頒賜也王所分賜羣臣也

九曰好用之式

因其所好而用之蓋上之私恩也

以九貢致邦國

之用

下供於上曰貢言致者明非取之而自至也

一曰祀貢

犧牲苞茅之屬

二曰

嬪貢

絲枲之屬

三曰器貢

錢鐵石磬之屬

四曰幣貢

玉馬皮帛之屬

五曰

材貢

枯栢篠簞之屬

六曰貨貢

金玉龜貝之屬

七曰服貢

絺紵之屬

八曰

旂貢

珠璣琅玕可游之物游音游

九曰物貢

九州所產雜物

以九兩

繫邦國之民

兩猶耦也繫猶綴也所以協耦萬民而聯綴不散者有此九事繫音計

一

曰牧

謂九州之牧也或曰邦國之牧

以地得民

各有分地得以服民

二曰長

都鄙

之以貴得民

食其祿而不得其地故但以貴得民

三曰師

謂國家學校之師

以

賢得民

以其賢德可為人之模範也

四曰儒

謂黨學里校之典教者

以道得

民

以其有道足以感化乎民也

五曰宗

謂大宗之子以族得民

先王以大宗合

天下之族

六曰主

大夫之治都鄙而不為長者

以利得民

米地之利足以得民七

曰吏

鄉遂都鄙之吏

以治得民

既專其政則民亦悅其治

八曰友

鄉田之民出入

相友

以任得民

相任以事故以事相得

九曰藪

澤藪財物所生

以富得民

其利富厚故以富得民

正月之吉

周以建子之月為正吉則其朔日也正

始

和布治于邦國都鄙

始調和六典以下之事而頒布此治職文書于邦國之諸侯都

鄙之卿大夫

乃縣治象之灋于象魏

象魏即雉門兩觀也以天官之治法畫之

為象而縣於象魏縣音玄使萬民觀治象使人觀治象而遵行之挾日而斂

之一旬為挾必挾日乃收斂者使遠近徧知之挾音浹乃施典于邦國以六典治邦國

故而建其牧牧即所謂以地得民者立其監公侯伯子男各監一國設其

參卿三人參傳其伍大夫五人陳其殷殷衆也謂上士中士下士也置

其輔府史胥徒乃施則于都鄙以八則治都鄙故也而建其長長即所謂

以貴得民者立其兩兩謂兩卿設其伍陳其殷置其輔並見上注乃

施灋于官府以八法治官府故也而建其正謂總其衆職者立其貳謂佐

其正設其攷謂攷其成績者陳其殷置其輔並見上注凡治大凡

為治之道以典待邦國之治

六典本以治邦國也其目在下待謂待其成而致之以

則待都鄙之治

八則本以治都鄙也

以灋待官府之治

八法本

府也以官成待萬民之治

八成本以治萬民也

以禮待賓客之治

禮者本以接賓客也

祀五帝

祭祀五方之帝謂大昊少昊炎帝黃帝顓頊上古有德之君

則掌百官之誓戒與其具脩

百官謂與祀者誓者折之以言戒者飭之以事

具所以供其物脩所以理其壞前期十日

未祭以前散齋七日致齋三日

帥執事而

卜日

執事謂百官執祭事者大宰帥之以卜祭日

遂戒

戒散齋也卜既得日遂戒百官以始

齋

及執事

及至祭之前夕執事之時既滌濯

滌濯謂洗祭器大宰則親

及納

亨

向祭之晨納牲告殷既殺乃授亨人亨音烹

贊玉牲事

君親牽牲大宰贊之

及祀之

日

旦明將祀之時

贊玉幣爵之事

玉帛以禮神各如其方之色爵所以獻神齊酒也三

者執以從王至而授之

祀大神示亦如之

祀天神地示皆如祭五帝之禮示音祇

享

先王亦如之

享宗廟之禮亦然

贊玉几玉爵

玉几所以依神別言贊玉几玉

爵者以言祀五帝及大神示不用玉几玉爵也

大朝覲會同

春見曰朝秋見曰覲時見曰會

殷見曰同舉春秋則冬夏可知朝音潮

贊玉幣玉獻玉几玉爵

玉幣謂諸侯享幣也

玉獻獻國珍異也玉几王所依也玉爵王禮諸侯之酢爵也

大喪

天子之喪贊贈玉含

玉

謂王謂既窆以贈先王含玉謂將斂飯含之玉含尸暗反

作大事

國之大事在祀與戎則

戒于百官

大宰戒百官

贊王命

贊助王之教令

王眡治朝

眡朝謂臨

朝也治朝在路門外

則贊聽治

助王以聽天下之治

眡四方之聽朝亦如

之

聽朝謂王巡狩於四方之時亦如贊聽治焉

凡邦之小治

非關於王眡朝之小事

則冢宰聽之

大事決於王小事冢宰專決

待四方之賓客之小治

王視四方之朝於方岳之下則冢宰為之待四方賓客之小治

歲終

每歲之終則令百

官府

編飭百官之府

各正其治

各使之自正其治

受其會

受其一歲功事之計會音

稽聽其致事

聽其所致以告於上之事

而詔王廢置

如此則百官之能否可見

矣於是以告於王而廢之置之

三歲

三年則大比

則大計羣吏之治

言大計者

以見歲終而誅賞之大無功則不徒廢更加之罪

之計為小

宰中大夫二人

大有功則不徒置更加之賞

小宰之職

宰之貳故曰小宰掌建邦之官刑官刑在王

建明而布告之

以治王宮之政令凡宮之糾禁

違其政令者未發則糾察

之既發則禁止之

掌邦之六典八灋八則之貳

六典八灋八則之書其正

在大宰太史司書小宰則副掌其書也

以逆邦國都鄙官府之治

逆謂迎受

勾考也六典以逆邦國之治八灋以逆官府之治八則以逆都鄙之治

執邦之九貢九

賦九式之貳

三者以大宰所掌故小宰副貳以執之

以均財節邦用

均財

使得其平節邦用使之無過

以官府之六叙正羣吏

以六者叙其倫之先

後一曰以叙正其位謂卿大夫朝位有尊卑次列之叙二曰以叙進

其治謂有治職功狀進于上三曰以叙作其事謂有

掌起事者亦四曰以叙制其食因爵命之尊卑以制其祿五曰以

叙受其會謂進會計文書受之亦以尊卑為叙六曰以叙聽其情謂獄

情聽之亦以尊卑為叙以官府之六屬舉邦治六官之長各有屬官佐之

然後邦治一曰天官大宰之官其屬六十謂官正以下曰六十者舉大數

也後五掌邦治皆掌治職大事則從其長事之大者則從于大宰之長

小事則專達事之小者則屬官得專行之二曰地官司徒之官其屬六

十

州長以下

掌邦教

皆掌教職

大事則從其長

從大司徒

小事則專

達

同上

三曰春官

宗伯之官

其屬六十

鬱人以下

掌邦禮

皆掌禮職

大

事則從其長

從大宗伯

小事則專達

同上

四曰夏官

司馬之職

其

屬六十

司勳以下

掌邦政

皆掌政職

大事則從其長

從大司馬

小事

則專達

同上

五曰秋官

司寇之官

其屬六十

卿士以下

掌邦刑

皆掌

刑職

大事則從其長

從大司寇

小事則專達

同上

六曰冬官

司空

之其屬六十

冬官闕不可考

掌邦事

皆掌事職

大事則從其長

從大

司小事則專達

同上

以官府之六職辨邦治

六官之職不同

故邦治得以分辦一曰治職天官之職以平邦國邦國不得專以利而過制以

均萬民萬民不得擅利而獨侈以節財用上下皆無泛用故財用可節也二曰

教職地官之職以安邦國脩文德以安之以寧萬民脩文德以寧之寧者安之

至以懷賓客近者悅而遠者來故賓客可懷也三曰禮職春官之職以和

邦國和不乖也以諧萬民諧猶調也以事鬼神人和而神降之福故鬼神可事

也四曰政職夏官之職以服邦國服則使之順於王以正萬民正則

使之以止於一以聚百物貢出於邦賦斂於民服之正之故百物可聚也五曰刑職

秋官之職以詰邦國詰問也以糾萬民糾察也以除盜賊姦無所容

故盜賊可除也

六曰事職

冬官之職

以富邦國

豐其財也

以養萬民

養其

生也

以生百物

上下兼足則無曠土遊民故百物可生也

以官府之六聯

合邦治

官府六事皆聯事通職然後邦治得以會合而成

一曰祭祀之聯事

謂大宰贊玉幣司徒奉牛牲宗伯眡滌濯司馬羞魚牲司寇奉明火之類

二曰賓客之

聯事

謂大宰大朝覲會同贊玉幣玉獻與小宰大宗伯大行人小行人宰夫掌客所掌賓客之事必

聯事合治而後成也

三曰喪荒之聯事

謂大宰大喪贊贈玉含玉大司徒率衆庶屬具

六綱大司徒大荒移民通財小行人令賙委之之類

四曰軍旅之聯事

謂六軍軍將皆

命卿大司徒以旗致萬民大司馬仲春教振旅之類

五曰田役之聯事

田所以簡衆役

所以任衆如大小司徒卿師大司馬所掌田役之事

六曰斂弛之聯事

斂民之財弛民

之力如大宰掌九貢九賦而大府司會司書亦掌之此斂之聯事也卿大夫國中貴者賢者皆舍征而小司徒亦掌之此弛之聯事也凡小事皆有聯

以官府之八成經邦治

官府中成事品式有此

一曰

聽政役以比居

政謂力政役謂徒役民有爭則以其地比居者共聽之政音征比毗志反

二曰聽師田以簡稽

簡猶閱也稽猶計也師以用衆田以簡衆皆以簡稽之書聽之

三曰聽閭里以版圖

在卿則二十五家為閭在遂則二十五家為里有訟則以戶籍

之版土地之圖聽之

四曰聽稱責以傅別

傅別謂券書也稱謂貸之以物責謂責其

所償皆以傳別之書聽之

五曰聽祿位以禮命

禮命禮之九命也
有爭祿之多少位

之前後者則以其書聽之

六曰聽取予以書契

謂官貸於民者官之所予民之所取

其責償也則以書契聽之

七曰聽賣買以質劑

謂兩札一書而長者曰質短者曰劑

彼之所買此之所賣皆以其書聽之劑子西反

八曰聽出入以要會

歲計曰會月計

曰要官給於民曰出民輸於官曰入皆以其計簿聽之

以聽官府之六計弊

羣吏之治

聽平治也弊猶斷也平治官府之計有此六事以斷羣吏之治弊音蔽

一曰

廉善

廉察也善謂善其事有稱譽也

二曰廉能

能謂才能足以辦事者

三曰廉

敬

不解于位也

四曰廉正

行無傾邪也

五曰廉瀆

守法不失也

六曰

廉辨

不疑惑也以此六者廉察之則吏之能否見矣

以灋掌祭祀朝覲會

同賓客之戒具

法禮法也戒謂飭其事具謂備其物

軍旅田役喪荒亦

如之

亦以法掌其戒具

七事者

總上兩節謂自祭祀至喪荒七事

令百官府

共其財用

令百官之府共七者之財用

治其施舍

施謂施恩惠舍謂舍政役舍皆

捨聽其治訟

理其事謂之治爭其事謂之訟

凡祭祀

遇有祭祀之事贊王

幣爵之事

人從大宰助王

裸將之事

裸酌鬱鬯以獻尸也將送也小宰贊王以行其

事凡賓客

遇有賓客之事

贊裸凡受爵之事凡受幣之事

賓客

有保神也受爵謂賓所以酢主之爵受幣謂敬賓如敬賓所以享王之幣三者皆小宰贊之

喪荒

大喪受其含襚幣玉之事口實曰含衣衾曰襚凶荒有幣玉者賓客所賙委之

禮舍戶暗反襚音遂月終每月月之終則以官府之叙受羣吏之要

月計曰要受之叙贊冢宰受歲會歲計曰會大宰受之小宰助之而已歲

終每歲之終則令羣吏致事使六官各致一年功狀以待攷也正歲正月之吉

帥治官之屬而觀治象之灋大宰縣治象之灋于象魏小宰帥治官六十之

屬而往觀焉徇以木鐸鐸鈴也金口而木舌古者有新令必奮木鐸以警衆曰不用

灋者謂官屬有不用治象之法者國有常刑國有典常之刑不汝赦也乃退已

治象而退以官刑憲禁于王宮憲謂表縣之禁謂止絕之令于百官府

令于王宮之百官府

曰各脩乃職

各脩其所治之職

攷乃灋

各攷其所用之法

待乃事

以待所作之事

以聽王命

其事皆聽王之所命

其有不共

其或不

共於王事者

則國有大刑

大刑則重於常刑也

宰夫之職

下大夫四人上士八人中士十有六人旅下士三十有二人府六人史十有二人胥十有二人徒百

有二十人

大宰既有副貳又有宰夫所謂設其攷也

掌治朝之灋

治朝在路門外

以正

王及三公六卿大夫羣吏之位

立朝尊卑之位司士掌之宰夫糾其不如

儀者掌其禁令

禁謂止其非法令為使之有為

叙羣吏之治

次叙羣吏所治之事

以待賓客之令諸臣之復萬民之逆

令謂賓客未至而先為之具備

復報也反也謂諸臣奏事者自下而上曰逆謂萬民上書者

掌百官府之徵令

徵召也百官之在官府辨其八職

八職既辨然後一知所從之徵令

曰正

正謂六官之長條屬所取正者

掌官灋以治要

官法謂官府之法要則月計

之書

二曰師

師謂六官之貳條屬受教者

掌官成以治凡

官成謂官府之

八成凡則旬計之書也

三曰司

若天官宰夫地官卿師之類各司職事者

掌官灋以

治目

目謂日計官法見上

四曰旅

旅謂上中下士

掌官常以治數

官常即八

法之第四也數謂事之多少也

五曰府

主蓄藏文書及器物者

掌官契以治藏

契謂要書藏謂所蓄藏者藏去聲

六曰史

理文辭而述事者

掌官書以贊治

書謂史所述者贊治
若今文書起草也

七曰胥

治文書之次叙謂
材智為什長者

掌官

叙以治叙

官叙即胥所治者治叙
謂應所治之先後也

八曰徒

趨走以應
呼召者

掌官令以徵令

官令謂官府之令
徵令即上所召也

掌治灋

治官
之法以

攷百官府羣都縣鄙之治

羣都諸采邑也六遂五百
家為鄙五鄙為縣以治法

攷其治
功也

乘其財用之出入

乘猶計也財錢
穀也用貨賄也

凡失財用

物辟名者

物畜獸也辟名謂作偽文
書與實不相應者辟音僻

以官刑詔冢宰

而誅之

官刑即八法之第七也
告於長官而誅責之

其足用長財善物者

三者無失又能足
之長之善之者

賞之

能如此
則賞之

以式灋掌祭祀之

戒具與其薦羞

戒具見小宰注薦脯醢也羞庶羞也凡此皆有舊法式者從大宰

而眡滌濯

大宰眡滌濯宰夫則從之

凡禮事

遇有行禮之事

贊小宰比官

府之具

小宰已言戒具宰夫則贊之而比較其美惡焉比如字

凡朝覲會同賓

客

凡朝覲會同之賓客

以牢禮之灋掌其牢禮委積膳獻飲食

賓賜之殮牽與其陳數

牢禮之灋總言其綱也掌其牢禮以下詳言其目也牛羊

豕共為一牢禮委積謂米禾薪芻膳謂熟物齊和者獻謂新物始獻者飲食燕享也殮食也牽牲可牽而行者也賓客未至則有委積已至則有膳獻飲食始至則有殮牽賓之殮牽則有司所供賜之殮牽則王所好賜陳數則以爵等為牢禮所陳之數也凡邦之弔事掌其戒令與

其幣器財用凡所共者大喪小喪掌小官之戒令帥

執事而治之三公六卿之喪與職喪帥官有司而治

之凡諸大夫之喪使其旅帥有司而治之歲終則

令羣吏正歲會

歲計曰會謂一歲會稽文書總勾考之

月終則令正月

要

月計曰要

旬終則令正日成

十日為旬日計曰成

而以致其治

歲會

月要日成皆令羣吏正之以攷其治

治不以時舉者

違令失期會者

以告而誅

之

告於冢宰而誅責之

正歲則以瀟警戒羣吏

法治法也警懲之以言戒謂束

之以

令脩宮中之職事

職事之廢者理治之

書其能者與其良

者

良猶善也羣吏之能者良者皆書之

而以告于上

告之大宰小宰

宮正

上士二人中士四人下士八人府二人史四人胥四人徒四十人

掌王宮之

戒令糾禁

戒其怠忽糾其緩散令之使有為禁之使勿為

以時比宮中之官

府次舍之衆寡

時四時也比校也次所以待直宿也舍所以待休沐也衆寡不同故以四

時比校之舍音敎

為之版以待

置版以書其人之名以待戒令也

夕擊柝而比

之

柝戒守者所擊也夕此若今酉點柝音託

國有故則令宿

故謂禍災令宿若今坐甲

其比亦如之

亦如擊柝以上之事

辨內外而時禁

分別內外人禁其非時

出稽其功緒

考計其功狀與職業

糾其德行

糾察其在身之德施為之行

幾

其出入

幾察宿衛羣吏之出入者

均其稍食

均平羣吏之廩祿稍所教反

去其

淫怠與其奇衰之民

淫放濫也怠解慢也奇無常也衰不正也如此者皆除去之去

上聲奇音基衰似嗟反

會其什伍而教之道藝

五人為伍十人為什道謂義理藝謂

禮樂射御書數

月終則會其稍食

月祿至月終會計之

歲終則會其行

事

吏職至歲終考其功過也

凡邦之大事

國之大事在祀與戎

令于王宮之

官府次舍

次舍見前注

無去守而聽政令

即其所居而待其所為

春

秋以木鐸脩火禁

季春季秋以木鐸警衆使脩火政也

凡邦

之事蹕

國有事故王出則蹕止行人若今衛士

宮中廟中則執燭大喪

則授廬舍辨其親疏貴賤之居

宮伯

中士二人下士四人

府一人史二人胥二人伯亦長也副於宮正故以伯稱

掌王

宮之士庶子凡在版者

士衛士也庶子國子之倅未為士也版名籍也

掌其

政令

上所正者為政下所稟者為令

行其秩叙

秩廩祿也叙才等也

作其徒役

之事

若有役焉則作其徒也

授八次八舍之職事

衛王宮必居四角四中故

云八次八舍次舍說見王宮

若邦有大事

如國有寇戎之大事

作宮衆則令

之

起宮中之衆吏士庶子行則宮伯戒令之

月終則均秩

均其廩祿之秩

歲終則

均叙

均其才等之叙

以時頒其衣裘

夏時頒衣冬時頒裘

掌其誅賞

有功

則賞有
罪則誅

膳夫

上士二人中士四人下士八人府二人史四
人胥十有二人徒百有二十人食官之長

掌王

之食飲膳羞

食飯也飲酒漿也膳牲
肉也羞庶羞也食音嗣

以養王及后世

子

王天下之至尊后配王而立內
治世子天下之本故兼養之

凡王之饋

進食於
尊者曰

饋

食用六穀

黍稷稻
粱苽麥

膳用六牲

馬牛羊
豕犬雞

飲用六清

水
醬

醢醢
醬醢

羞用百二十品

羞出於牲及禽獸以備
滋味其品有百二十

珍用

八物

淳熬淳母炮豚炮
牂擣珍清熬肝膾

醬用百有二十壘

醢六十壘
醢六十壘

饔飩
同

王日一舉

一舉謂朝食也
殺牲盛饌曰舉

鼎十有二

牢鼎九
陪鼎三

物

皆有俎

物謂牢鼎之實亦九俎

以樂侑食

用樂勸食

膳夫授祭

禮飲食必

有祭示有所先也膳夫授王以所祭之物

品嘗食

膳夫每物皆先嘗之防有毒也

王乃食

然後王乃食也

卒食

食畢

以樂徹于造

徹收也作樂畢徹于造食之所

王齊日

三舉

齊謂散齊致齊也齊必變食故特加二舉

大喪則不舉

喪

大荒則不

舉

凶年

大札則不舉

癘

天地有裁則不舉

日月薄蝕為天歲山崩川

沸為地歲

邦有大故則不舉

寇戎之事凡此皆不舉盛饌以自貶損也

王燕食

謂日中與夕食

則奉膳贊祭

燕食則其祭不如朝食之盛故膳夫受而贊之

凡王祭

祀賓客食

謂祭祀宗廟及與賓客禮食於廟

則徹王之胾俎

膳夫徹其胾俎

餘則其屬徹之

凡王之稍事

有小事而飲酒

設薦脯醢

腊人共脯醢人共醢膳夫

則陳而進之

王燕飲酒

行燕禮與羣臣飲酒

則為獻主

君尊不與臣敵故膳夫代

王酌酒獻賓

掌后及世子之膳羞

亦主其饌之數但不餽耳

凡肉脩之

頒賜皆掌之

王以肉及脩餽頒賜羣臣皆膳夫掌之

凡祭祀之致福

者受而膳之以摯見者亦如之

歲終則會

計頒賜之多少

唯王及后世子之膳不會

不以有司法數拘之也

庖人

中士四人下士八人府二人史四人賈八人胥四人徒四十人

掌庖厨者

掌共六畜

六獸六禽

六畜即六牲也六獸麋鹿狼麋野豕兔六禽雁鵠鷄雉鳩鶴

辨其名物

別其名凡其死生蠹薨之物新肉曰蠹乾肉曰薨蠹音鮮薨音稿以共王

之膳與其薦羞之物及后世子之膳羞備品物曰薦膳羞並見膳

夫共祭祀之好羞共喪紀之庶羞賓客之禽獸凡

令禽獻以灋授之其出入亦如之凡用禽獻煎和

獻王春行羔豚行猶用也羔羊子豚豕子膳膏香膳治也膳膏香謂

夏行牯鱠牯乾雞鱠乾魚膳膏臊治牯鱠以犬膏秋行犢麇犢

子麇鹿子膳膏腥治犢麇以雞膏冬行鱣羽鱣魚也羽雁也膳膏羶治鱣羽以

羊脂歲終則會唯王及后之膳禽不會以見世子之膳禽在所會矣

內饗

中士四人下士八人府二人史四人胥十人掌王徒百人調和熟食曰饗內饗所主在內

掌王

及后世子膳羞之割烹煎和之事

割肆解肉也亨煮也煎和齊以五味

也亨音烹和去聲

辨體名肉物

體名脊脇肩背膈之屬肉物載燔之屬

辨百品

味之物

庶羞之屬

王舉則陳其鼎俎

舉謂王日一舉

以牲體實之

取於鑊以實鼎取於鼎以實俎

選百羞醬物珍物以俟饋

選擇其中御者俟待

也餘見膳夫注

共后及世子之膳羞

膳夫掌之內饗共之

辨腥臊羶香

之不可食者牛夜鳴則廋羊冷毛而毳羶犬赤股而

躁躁鳥皞色而沙鳴豕育眊而交捷腥馬黑脊而

般臂螻凡宗廟之祭祀掌割亨之事凡燕飲食亦如之凡掌共羞脩刑膾胖骨鱠以待共膳凡王之好賜

肉脩則饗人共之

外饗

官屬如內饗所主在外

掌外祭祀之割亨

外祭祀謂天地四望山川社稷五祀

外神

共其脯脩刑膾

脯薄析肉也脩鍛肉也刑銅羹也膾腍肉大臠也膾音呼

陳其

鼎俎實之牲體魚腊

見內饗注

凡賓客之飧饗饗饗食之事

亦如之

飧謂客始至之禮饗謂既將幣之禮饗謂行饗禮之時食謂行食禮之時食音嗣

邦饗

耆老孤子

耆老謂國老庶老孤子死王事者之子也

則掌其割亨之事

割亨

見內饗士庶子亦如之

士庶子衛王宮者

師役則掌共其

獻賜脯肉之事凡小喪紀陳其鼎俎而實之

亨人

下士四人府一人史二人胥五人徒五十人主為內外饗煮肉也亨音烹

掌共鼎鑊

鑊所

以煮之鼎所以和之鑊音糲

以給水火之齊

齊量也水之量亨人給之齊才細

反

職外內饗之饗亨者煮辨膳羞之物 祭祀共大

羹鉶羹

大羹煮肉汁大古不和之羹鉶羹加以五味也鉶音刑

賓客亦如之

亨食亦用

大羹鉶羹也

甸師

下士二人府一人史二人胥三十人徒三百人郊外曰甸甸師主共野物官之長掌帥其

屬而耕耨王藉

其屬謂胥徒也耨耘耔也藉之言借也王以季春躬耕藉田胥徒則耕耨

終

之以時入之

時熟則收入之

以共齎盛

六穀曰齎在器曰祭盛所以共祭祀也

祀共蕭茅

蕭以祭脂茅以縮酒

共野果蓏之薦

植生曰果蔓生曰蓏薦進也

力果反

喪事代王受青茭王之同姓有臯則死刑焉

帥其徒以薪蒸役外內饗之事

役給役也木大曰薪小曰蒸以受役

於外內饗

獸人

中士四人下士八人府二人史四人胥四人徒四十人共職共膳羞故屬於此

掌罟田

獸

罟網也以網搏取當田之獸

辨其名物

野獸皆有冬獻狼狼膏名號物色

冬獻麋膏涼故夏獻麋膏涼故春秋獻獸物春秋寒溫適故

時田則守畧

四時田獵必守畧者謂獸觸網而攫者取之

及弊田令禽

注于虞中凡祭祀喪紀賓客共其死獸生獸凡獸入

于腊人皮毛筋角入于王府凡田獸者掌其政令

凡有田獵獸人皆掌其田獵之政令

獸人中士二人下士四人府二人史四人胥三十人徒三百人其職共魚物故屬於此獸音漁掌以

時獻季冬乃取魚為梁偃水為闌春獻王鮪月令季春薦鮪于寢廟鮪

位軌反辨獸物辨魚之名物為鱻鱻生魚以共王膳羞共於

膳夫以共王

凡祭祀賓客喪紀共其魚之鱸鼈凡獻者

掌其政令

凡獻征入于王府

魚之鬚骨堪飾器物者所有征稅入于玉

府以當邦賦也

鼈人

下士四人十有六人

府二人史二人徒其職亦共食物

掌取互物

互謂有甲介者以

時簠魚鼈龜蜃凡貍物

簠投也刺於泥中以取貍藏之物蜃大蛤也生育之時不

可取故云以時蜃七軫反狸莫皆反

春獻鼈龜蜃

春謂子丑寅之月

秋獻龜魚

秋謂

午未申之月凡此皆以避其生育之時

祭祀共蠃羸蜺以授醢人掌

凡邦之簠事

腊人

下士四人徒二十人

府二人史二人乾物曰腊

掌乾肉凡田獸之脯腊

臠胖之事

大物解體肆乾之謂之乾肉小物全乾曰腊臠臠肉大臠也胖如脯而腥此皆獸人

所共腊人治之

凡祭祀共豆脯薦脯臠胖凡腊物

豆當為羞

臠音呼胖音判

聲之誤也凡祭祀腊人則共羞脯謂庶羞之賓客喪

紀共其脯腊凡乾肉之事

周禮句解卷一

欽定四庫全書

周禮句解卷二

宋 朱申 撰

天官冢宰下

醫師

醫官之長

上士二人 中士二人 下士四人

掌醫之政令

醫之政謂

聚毒藥以供醫事醫之令謂使醫分而治之

聚毒藥以共醫事

毒謂五毒藥謂五藥

醫師聚之以共衆醫之所用共音恭

凡邦之有疾病者疔瘍者造焉

輕曰

疾重曰病 頭瘡曰疔 身瘡曰瘍 皆造

造七到反 則使醫分而治

之

醫師使疾醫治疾病使癆醫治疝癆

歲終則稽其醫事以制其食

每歲

之終醫師考衆醫之事功以制其食祿

十全為上

設如醫治十人皆得全愈則功之上也

十失一次之

十人之中其一不愈則功之次也

十失二次之

二人不愈入其

也次十失三次之

三人不愈入其次也

十失四為下

四人不愈則為下矣凡此

所以勉勵醫者

食醫

中士二人

恐飲食失節以致疾故有食醫食音嗣下同

掌和王之六食六飲

六膳百羞百醬八珍之齊

六食謂六穀六飲謂六清六膳謂六牲百羞謂羞用

百二十品百醬謂醬用百二十藝八珍謂八物此皆膳夫所掌食醫則調和其齊焉和去聲齊才細反凡

食齊眠春時

食宜溫也

羹齊眠夏時

羹宜熱也

醬齊眠秋時

醬宜

涼也飲齊眠冬時

飲宜寒也

凡和

大凡調和飲食

春多酸

酸以養肝肝屬木也

夏多苦

苦以養心

心屬火也

秋多辛

辛以養肺

冬多鹹

鹹以養腎腎屬

水調以滑甘

脾屬土分王四時故皆調以滑甘焉

凡會膳食之宜

畜與穀各

有相宜

牛宜稌

牛土畜稌土穀稌音杜

羊宜黍

羊火畜黍火穀此二者以同氣為宜

宜稷

豕土畜稷水穀此以土尅水為宜

犬宜粱

犬金畜粱土穀此以土生金為宜

宜麥

鴈火畜麥木穀此以木生火為宜

魚宜苽

魚水畜苽水穀此亦以同氣為宜苽音孤

凡君子之食恒放焉

食醫雖以養生為主然君子所自養者亦可依放之也放甫

往反

疾醫

中士八人

醫師所

掌養萬民之疾病

主治疾病而云養者

言療治必須養之也

四時皆有癘疾春時有痄首疾夏時有痒

疥疾秋時有瘧寒疾冬時有嗽上氣疾

痄酸劑也上氣逆喘也

以五味五穀五藥養其病

五味鹹苦酸辛甘五穀麻黍稷麥豆五藥草木蟲石穀也

以

五氣五聲五色眊其死生

五氣五藏所出之氣心肝脾肺腎也五聲言語所出

之聲宮商角徵羽也五色面貌所發之色青赤白黑黃也三者皆屬五行相生則生相尅則死故以此眊

之兩之以九竅之變

九竅謂陽竅七兩耳兩目兩鼻口也陰竅二大小二府也兩之

謂陰陽變謂陰陽參之以九藏之動九藏謂神藏五即心肺肝脾腎是也形藏

四即耳目口鼻是也參之謂陰陽與沖氣動謂脈候之動藏才浪反凡民之有疾病者輕曰疾重

曰分而治之醫各有所長也死終則各書其所以而入于醫師

瘍醫下士八人醫師所使掌腫瘍潰瘍金瘍折瘍之

祝藥劑殺之齊四種之瘡含膿血者凡療瘍治創之法以五毒攻之

五毒五藥之有毒者攻之謂殺之而去其惡也以五氣養之氣當謂穀養之謂生之以致其

和也以五藥療之療以治之以五味節之節以成之凡藥治瘍之藥以

酸養骨酸木味木立地中似骨也以辛養筋辛金味金之經合異物似筋也以鹹

養脈

鹹水味水之流
行地中似脈也

以苦養氣

苦火味火之出
入無形似氣也

以甘

養肉

甘土味土之兼
載四者似肉也

以滑養竅

滑滑石也凡諸滑物
通利往來似竅也

凡有瘍者受其藥焉

凡病瘍者必
於此求藥焉

獸醫

下士
四人

掌療獸病療獸瘍凡療獸病灌而行之以

節之以動其氣觀其所發而養之凡療獸瘍灌而

副之以發其惡然後藥之養之食之凡獸之有病者

有瘍者使療之死則計其數以進退之

進退據功過
進退其祿也

酒正

中士四人下士八人府二人史八人
胥八人徒八十人

酒官之長

掌酒之政令

酒之式
灋曰政

酒之出
入曰令以式釐授酒材給用有多少之式造釀有厚薄凡

為公酒者亦如之謂鄉射飲酒以公事作酒者亦以式法授酒材辨五齊之名正酒

不自造酒使酒人為之直辨其五齊清濁而已齊才細反一曰泛齊泛者成熟而二曰

醴齊醴者體也成而上下一體滓汁相將醴音禮三曰盎齊盎者成而慙白色盎烏浪反

四曰緹齊緹者成而紅色五曰沈齊沈者成而三酒滓沈於下

之物物者材也以三酒所成有一曰事酒酌有事人飲之二

曰昔酒久釀乃熟三曰清酒更久於昔辨四飲之物物說見上

一曰清清即漿人之醴清也二曰醫謂釀鬻為醴也醫於已反三

曰漿

即今之截漿謂米汁相將也

四曰醢

即今之薄醬也醢音移

掌其厚薄

之齊

或厚或薄各有多少之齊

以共王之四飲三酒之饌及后世

子之飲與其酒

饌謂具設之也后世子不言饌不復具設也

凡祭祖

總言三等

之以灋共五齊三酒

祭有大小齊有少各有常法

以實八尊

五齊實五

尊三酒實三尊

大祭三貳

如祀天地宗廟三酒用一尊久副之以兩尊以備之

中祭再

貳

如祀日月星辰五祀五岳用酒一尊又副以一尊

小祭一貳

如司中司命山澤之祭則

止以一尊副之

皆有酌數

酌於尊亦有數

唯齊酒不貳

五齊之酒特用於祭無式

尊皆有器量

酌器所用註尊中者數量之多少未聞

共賓客之禮酒

共后之致飲于賓客之禮醫醅糟皆使其士奉之

凡王之燕飲酒

王與羣臣燕飲之禮

共其計

計其用酒之數以共於王

酒正

奉之

酒正則如數奉其酒也

凡饗士庶子饗者老孤子皆共

其酒無酌數

掌酒之賜頒皆有灋以行之

雖君頒賜之酒

亦有一
定之式

凡有秩酒者以書契授之

有職則有秩謂每月所頒各有定數

酒正之出

謂出以給用也

日入其成

日計曰成

月入其要

月計曰要小

宰聽之

酒正入文書於小宰以待聽斷

歲終則會唯王及后之飲酒

不會

以見世子用酒在所會也

以酒式誅賞

誅賞作酒之善惡者

酒人

奄十人女酒三十人奚主造酒者

掌為五齊三酒

酒正辨其名物使酒

人為

祭祀則共奉之

以待祭祀而共奉之

以役世婦共賓客

之禮酒飲酒而奉之

凡事共酒而入于酒府

凡事非一

事也共酒入于酒正之府

凡祭祀共酒以往賓客之陳酒亦如

之

漿人

奄五人女漿十有五人奚百有五十人主造飲者

掌共王之六飲

酒正言四飲而

此言六飲者以水涼無厚薄之齊也

水漿醴涼醫醕

水則臨時取用涼則至用乃和醴醕

清也餘見酒正

入于酒府

酒正之府

共賓客之稍禮共夫人致

飲于賓客之禮清醴醫醢糟而奉之凡飲共之

淩人

下士二人府二人史二人胥八人徒八十人主冰室者淩去聲

掌冰

專主冰也

正歲

十有二月

正月謂夏正十二月即建丑之月也

令斬冰

其時水澤腹堅故令斬冰

三

其淩

淩冰室也三倍約冰以備消釋

春始治鑑

鑑盛冰之器治之者謂二月將出冰故也

凡外內饗之膳羞鑑焉凡酒漿之酒醴亦如之

祭祀共冰鑑

所以禦暑氣也

賓客共冰

不共鑑也

大喪共夷槃冰

實冰于夷槃所以寒尸也

夏頒冰掌事

夏月以冰頒賜羣臣則主其事

秋刷

以待納新冰也

籩

人卷一人女籩十人

籩以竹為之

掌肆籩之實

四籩謂朝事饋食加籩羞

籩各實以

常用之物

朝事之籩其實粢黃白黑形鹽膾鮑魚

鰯饋食之籩其實棗栗桃乾榛榛實加籩之實菱芡

桌脯菱芡栗脯羞籩之實糗餌粉飧

凡祭祀

祭祀用籩

共其籩薦羞之實

薦籩謂朝事饋食之籩羞籩則加籩羞籩是也

喪事及賓

客之事

二者亦皆用籩

共其薦籩羞籩

不言實者蒙上文也

為王及后

世子共其內羞

房中之羞籩為去聲

凡籩事掌之

凡事非一事也

醯

人卷一人女醯

二十人羹以醯實豆

掌肆豆之實

豆以木為之四豆與四籩

同

朝事之豆其實韭菹醢昌本麋藟菁菹鹿藟菹

麋藟饋食之豆其實葵菹羸醢脾析蠆醢蜃蚳醢豚拍魚

醢加豆之實芹菹兔醢深蒲醢醢落菹鴈醢筍菹魚

醢羞豆之實醢食糝食凡祭祀共薦羞之豆實薦羞

見籩人注賓客喪紀亦如之二者亦皆用豆為王及后世子共其

內羞房中之羞豆王舉則共醢六十即醬用百二十以五

齊七醢七菹三藟實之五齊謂昌本脾析蜃豚拍深蒲也七醢謂醢羸醢蜃魚兔

鴈也七菹謂非菁茆葵芹筍也三藟謂麋鹿麋也齊子西反藟乃兮反賓客之禮致饗餼時共

醢五十甕

上公醢醢共百二十甕侯伯百甕子男八十甕此五十甕則百甕之半也蓋指侯伯

而言舉中以見上下也

凡事共醢

凡事非一事也

醢人

奄二人女醢二十人奚

主共醢者

掌共五齊七菹

見醢人注

凡

醢物以共祭祀之齊菹凡醢醬之物賓客亦如之

王舉則共齊菹醢物六十甕

齊菹醢也而醢人亦共之者蓋齊菹有須醢以

成者也此六十甕亦醬用百二十品之半也

共后及世子之醬齊菹

凡用醢以

成之者皆共也賓客之禮

致饗饗時共醢五十甕

并醢人五十甕為百甕蓋侯伯

之禮也

凡事共醢

凡事非一事也

鹽人

奄二人女鹽二十人奚四十人主共鹽者

掌鹽之政令

謂受八與出給之政令

以共百事之鹽

用鹽非一事也

祭祀共其苦鹽散鹽

苦鹽謂不凍治

者散鹽煮水為之
苦音古散去聲

賓客共其形鹽散鹽

形鹽象虎之形

王之

膳羞共飴鹽

鹽之飴者今戎鹽有焉

后及世子亦如之

亦共飴鹽凡

齊事鬻鹽以待戒令

齊事和五味之事煮鹽凍治之以待上之戒令

冢人

奄一人女冢十人奚二十人以巾覆物曰冢冢音覓

掌共巾冢

主共覆尊冢之巾

祭

祀以疏布巾冢八尊

司尊彝有六尊兩之則為十二尊惟四尊致用餘八尊則設而

不用示其質也
故覆之以疏布

以畫布巾冢六彝

六彝雞鳥等黃虎蜺也用之以祿示

其文也故覆之以畫布

凡王巾皆黼

凡四飲三酒用於王者巾皆畫黼文

宮人

中士四人下士八人府二人史四人胥八人徒八十人主安息王身者

掌王之六寢

之脩

六寢者路寢一小寢五也脩掃除也

為其井匱

井以停止水防火燭匱以窒渠流備

洒掃匱於建反又音偃

除其不蠲

蠲潔也

去其惡臭

欲除不潔去惡臭則決渠

匱以滌之

共王之沐浴

沐以潔首浴以潔身

凡寢中之事掃除執

燭共鑪炭凡勞事四方之舍事亦如之

掌舍

下士四人府二人史四人徒四十人所託以居曰舍

掌王之會同之舍

時見

曰會殷見曰同王至壇所舍息也

設桎梏再重

桎梏行馬也以周衛有內外之列故再重

設之櫟步禮設車為官而設車宮轅門反極音五為壇壝宮棘門

為壇於中而墮其外則為帷宮設旌門王在道食息

列棘以表門墮唯季反為帷宮設旌門張帷為宮則

植旌以表門無宮則共人門王不在車之中則陳列

舍事則掌之王行所舍止

幕人下士一人府二人史二人掌帷幕幄帟綬之事在旁

曰帷在上曰幕四合象宮室曰幄帟在凡朝覲會同

上承塵凡四物者皆以綬連繫焉帟音亦軍旅田役祭祀五者皆用其物共其帷幕幄帟綬幕人共之

張之大喪共帷幕帟綬三公及卿大夫之喪共其帟

掌次

下士四人府四人史二人徒八十人所託以上曰次

掌王次之灋

設王者之次幕

皆有法度法謂大小丈尺

以待張事

幕人共之掌次張之

王大旅上帝

冬至之日

祀天於圜丘

則張壇案設皇邸

壇案牀上著壇也皇邸以版為屏而飾以鳳羽也

朝日祀五帝

朝日謂春分朝日於東門之外祀五帝謂四時迎氣於四郊朝音條

則張

大次小次設重帝重案

大次以候止息小次以候行禮重帝謂兩重之帝重案謂

案上設重席也

合諸侯亦如之

如朝日祀五帝之事

師田

師以用衆田以簡衆則

張幕設重帝重案

王臨眡則張幕于地而設帝案于上以為王之位也

諸侯朝

觀會同

諸侯來朝觀會同于王

則張大次小次

以待諸侯之止息者

師田

諸侯從王師田

則張幕設案

以待諸侯止而據也

孤卿有邦事

三孤六卿以王

命出使也

則張幕設案

張幕於庭以籍幣設案為位王立於前而授之命焉

凡喪

王則張帝三重諸侯再重孤卿大夫不重

凡祭祀

張其旅幕

旅衆也以待諸臣助祭者之休息也

張尸次

尸尊故別設次

射則張

耦次

射禮兩人為一耦張次以待射耦之人也

掌凡邦之張事

大府

下大夫二人上士四人下士八人賈十有六人胥八人徒八十人

府四人史八人為王治藏之長

掌九貢九賦九功之貳

九功九職也九貢九賦九職太宰掌之而此掌其貳者以

其物入太府故也

以受其貨賄之入

金玉曰貨布帛曰賄皆受其入

頒其貨

于受藏之府

受藏內府也

頒其賄于受用之府

受用外府也蓋太府

雖受貨賄之入其物仍分置於衆府也

凡官府都鄙之吏及執事者受

財用焉

官府謂六官都鄙謂采地吏謂羣臣執事謂府史胥徒皆於太府受其財用

凡頒

財

頒財如下文所云

以式灋授之

式謂用財之法謂治財之法

關市之賦

以待王之膳服

關市以下即太宰之九式此蓋以關市之賦待

膳服之用也膳服大宰作羞服

邦中之賦以待賓客

以邦中之賦待賓客之用

郊之賦以待稍秣

以四郊之賦待稍秣之用稍秣大宰作芻秣稍去聲

家削之

賦以待匪頒

以家削之賦待匪頒之用削所教反與稍同

邦甸之賦以待

工事

以邦甸之賦待工事之用

邦縣之賦以待幣帛

以邦縣之賦待幣帛之用

邦都之賦以待祭祀

以邦都之賦待祭祀之用

山澤之賦以待喪

紀

以山澤之賦待喪紀之用喪紀大宰作喪荒

幣餘之賦以待賜予

以幣餘之

賦待賜予之用賜予大宰作好用

凡邦國之貢以待弔用

以九貢之財給弔用

凶禮之事

凡萬民之貢以充府庫

以九賦之財充足藏貨賄之府庫

凡式

貢之餘財以共玩好之用

謂九式九貢二者所用之餘財乃可共玩好之用明

玩好非所急也

凡邦之賦用取具焉

賦用者以賦之所入而用也取具者取足於太

也歲終則以貨賄之入出會之

入謂所收出謂所用至歲終則總計其大

數也會
音增

王府

上士二人中士四人府二人史二人工八人賈八人胥四人徒四十有八人主藏金玉器用之府

掌王之金玉玩好兵器凡良貨賄之藏

金玉人所寶者玩則可悅

玩之物好則可樂好之物兵則兇之戈和之弓之類器則赤刀弘璧琬琰之類良貨賄則質出於自然而

美者皆玉府之所藏

共王之服玉佩玉珠玉

服玉謂大圭之類佩玉謂珩璜之類

珠玉則琢玉為珠以飾冠冕也

王齊則共食玉

祭祀齊戒則共王所食玉屑

大

喪共含玉復衣裳角枕角柩

掌王之燕衣服衽席

牀第凡褻器

燕衣服謂燕私所服衽卧席也席坐席也牀第簀也褻器私褻所用之器第側

美反若合諸侯謂盟會也

則共珠槃玉敦

敦亦盤類以珠飾盤以玉飾敦盟會

歃血時以盤盛血以敦盛食也敦音對

凡王之獻金玉兵器文織良貨賄

之物

王之獻謂有獻於賓客文織謂帛之有文出於織成者

受而藏之

以待凡

王的好賜

謂王有私恩頒賜臣下

共其貨賄

玉府則共其用也

內府

中士二人府一人史二人徒十人主良貨賄藏在內者

掌受九貢九賦九功

之貨賄良兵良器

貨賄即大府所頒于受藏之府者良兵良器即受于玉府者以

待邦之大用

非有國之經用故以待大事之用也

凡四方之幣獻之金

玉齒革兵器凡良貨賄入焉

幣謂諸侯贊禮獻謂諸侯貢物金若惟金三品

之類玉若球琳瑯玕之類齒若象牙凡適四方使者

之類革若犀皮之類皆入于內府焉使者所受以遺諸侯之物內府則共

王遣使至諸侯之國共其所受之物而奉之冢宰待四方賓客

奉之冢宰待四方賓客凡王及冢宰之好賜予則共之冢宰待四方賓客

亦賜予之外府官如內府數主掌邦布之入出布泉也其藏曰泉貨藏在外者

出謂受之復出之以共百物而待邦之用凡有灋者百物或

買之待猶給也言有法共王及后世子之衣服之用作之或

則無法者不可用矣以見王及后世凡祭祀賓客喪紀會同軍旅五者所

子非法弗服也用亦皆

有共其財用之幣齋

幣謂禮幣齋謂行齋齋音咨

賜予之財用

王及冢宰

之賜予也

凡邦之小用皆受焉

細小之用係於邦者受而共之

歲終則會

唯王及后之服不會

以見世子衣服在所會也音檜

司會

中大夫二人下大夫四人上士八人中士十有六人府四人史八人胥五人徒五十人主會計官

長掌邦之六典八灋八則之貳以逆邦國都鄙官府

之治

小宰已掌其貳而司會亦掌之者蓋其職在會計故逆受而鈎考之所以計其治也以九

貢之灋致邦國之財用

九貢出於諸侯司會則取一曰祀貢以下之成法貢於天

子故云致邦國之財用

以九賦之灋令田野之財用

九賦除關市國中幣

餘三者外餘皆出以九功之灋令民職之財用

九功者以

於田野據多言之九職任萬民使之出稅故云民職以九式之灋均節邦之財用

九式所以

用九賦使之均平有節也掌國之官府郊野縣都之百物財用凡

在書契版圖者之貳

欲知財用出入之數故掌其書

契紀載為書合驗為契欲知夫家山林川澤所入之財數故掌其版圖人民曰版土地有圖貳副也以

逆羣吏之治而聽其會計

逆謂有所治正則司會按書契版圖以逆之而又聽

其會計以參互考日成

諸官府一日所蒞之事有數總其數而計之有目總十日

之書焉與數相攷數與目相攷是之謂互日成即旬計也

以月要攷月成

月計曰要月成事多於日成故以月要攷之

以歲會攷歲

成

歲計曰會歲成事多於月成故以歲會攷之

以周知四國之治

如此則四方諸

侯之治無不徧知之矣

以詔王及冢宰廢置

以四國之治告於王及冢宰有功者

升而置之有罪者黜而廢之

司書

上士二人中士四人府二人史四人徒八人主會計之簿書

掌邦之六典八灋

八則九職九正九事邦中之版土地之圖

典法則見太宰九正

謂九職之正九事謂九職之事邦中之版以攷人民之數土地之圖以攷邦國之域然司書但掌其書而已參攷則在以周知入出百物或用皆徧知之以叙

其財

然後以叙掌事者之財以知其餘

受其幣

受官府都鄙凡用邦財之幣所餘

使

入于職幣

以其餘入于職幣使振舉之

凡上之用財用

公上所用

必攷

于司會

司書錄其數以待司會之勾攷

三歲則大計羣吏之治

日有成月

有要歲有會三歲又總而大計之

以知民之財器械之數

民財謂幣帛器械謂

弓矢及類

以知田野夫家六畜之數

田野謂百畝之田在野者夫家謂男

女夫婦六畜謂馬牛羊豕雞犬也

以知山林川澤之數

山林川澤孰發孰興皆可

周以逆羣吏之徵令

恐羣吏橫斂征取於民故逆受而勾攷之上有召曰徵下有

所稟凡稅斂

謂非特貢賦所出也

掌事者受灋焉

法各有書司書掌之掌稅

斂之事者及事成則入要貳焉要貳者物數之要要書之貳也事成則入

從而受焉予司書所以備參攷也凡邦治攷焉比治於邦者司書則早正其事以待其來攷也

職內上士二人中士四人府四人史四人徒二十人主賦入者掌邦之賦入九貢九職

九賦所入皆掌之辨其財用之物而執其總辨其所入財用之物而執其總

類之以貳官府都鄙之財入之數貳謂副貳文書也官府都鄙各有財

入總數職內則書其貳焉以逆邦國之賦用用賦多少皆可勾攷其得失也凡受

財者受於職內以給公用者受其貳令而書之書其副寫之令而籍之也及

會及至歲終會計以逆職歲與官府財用之出官府用財之數與職歲出

財之數相參而勾攷之

而叙其財

理其財使有序然後餘財可得而知

以待邦

之移用

故可移此之有餘以補彼之不足

職歲

上士四人中士八人府四人史八人徒二十人主歲計之所出

掌邦之賦出

內職

主入職歲主出

以貳官府都鄙之財出賜之數

官府都鄙之財各有出賜

之數職歲亦書其貳焉

以待會計而攷之

以待歲終會計而稽攷其數

凡官

府都鄙羣吏之出財用

每歲合出財用

受式灋于職歲

羣吏受財

用于大府至其出也則受式法于職歲焉

凡上之賜予

謂上以私恩賜予

以叙與

職幣授之

叙者先後之倫職歲則以叙與職幣授之

及會

歲終會計

以式灋贊

逆會

以式法贊助司會
勾攷會計之事

職幣

上士二人中士四人府二人史四人賈四
人胥二人徒二十人掌財賦之出者

掌式灋

以斂官府都鄙與凡用邦財者之幣

凡用邦財者謂
軍旅也三者有

餘幣則依式
法而收斂之振掌事者之餘財

振猶拯也有檢舉之
意掌事者足用而有

餘則職幣檢舉之
以防隱欺之患

皆辨其物而奠其錄

別其物色而
定其錄籍

以書揭之

著之於書以表
識之揭音碣

以詔上之小用賜予

上有
小可

用度及賜予
則取其於此歲終則會其出

會計所出之數
以防乏用之患凡邦之

會事

凡諸官府會
計財用之事

以式灋贊之

職幣以式法贊助
司會而勾攷之

司裘

中士二人下士四人府二人史四
人徒四十人主以獸皮為裘

掌為大裘

黑羔為之

以共王祀天之服

祀天尚質故用黑羔為裘

中秋獻良裘

裘之美者王者

所服故於
中秋獻之

王乃行羽物

以羽為之物行賜羣臣

季秋獻功裘

功裘

致人功為之卿大夫
所服故於季秋獻之

以待頒賜

以頒賜於羣臣

王大射

王將祭祀

以射選助
祭之人

則共虎侯熊侯豹侯

虎熊豹者各以其皮飾侯之側也虎侯王

所射熊侯諸侯所射豹侯
孤卿大夫以下所射也

設其鵠

亦以虎熊豹之皮栖於侯上以為射

之的

諸侯則共熊侯豹侯

諸侯謂畿外諸侯也熊侯諸侯自射之豹侯則羣臣

共射焉

卿大夫則共麋侯

卿大夫謂王朝卿大夫也皆以麋皮飾侯君臣共射之

設其鵠

各以其皮為射之的

大喪廡裘飾皮車凡邦之皮事

掌之歲終則會唯王之裘與其皮事不會

優至尊也

掌皮

下士四人府二人史四人徒四主共皮革以作器物

掌秋斂皮

秋鳥獸毛毼之

時其皮善故秋斂之

冬斂革

獸皮治去其毛曰革其用功深故冬斂之

春獻之

皮革乾久

乃可用故春獻之

遂以式灋頒皮革于百工

既獻皮革遂以式法頒之百工

以作器物共其毼毛為氊

其毛之細者以為氊

以待邦事

若掌次張氊案則共

之歲終則會其財齋

臬布曰財行貨曰齋會謂計其費用之數

內宰

下大夫二人上士四人中士八人府四人史八人胥八人徒八十人掌宮中之事

掌書版

圖之灋

版謂宮中閣寺之籍
圖謂宮中官府之象

以治主內之政令

內謂宮中

政令謂治閣寺之法禁

均其稍食

均其吏之廩祿

分其人民以居之人

民

謂吏之子弟居之
謂使之宿衛也

以陰禮教六宮

陰禮婦人之禮六宮謂后也王后立

六宮正寢一燕寢五也

以陰禮教九嬪

不言教夫人及世婦以者舉中以見上下也

婦職之灋教九御

婦職謂織維組紃縫線之事九御者女御八十一人九九而御于王

謂每九人當一夕也使各有屬

每九人屬一嬪

以作二事

合絲枲之事

正其

服

一其禮也

禁其奇衰

齊其行也奇紀宜反

展其功緒

核其事也

大祭祀

宗廟之祭

后裸獻則贊

裸謂王既裸而出迎牲后乃從後裸也獻謂王薦牲薦熟后亦從後

獻也贊助也

瑤爵亦如之

尸卒食王既醕后后亞獻之其爵以瑤玉為飾亦內宰贊助其

禮

正后之服位

服謂裋衣以下六服位謂房內戶中及阼所立處

而詔其禮

樂之儀

詔其出入進止之節使與禮樂相應

贊九嬪之禮事

助九嬪贊后之事

凡賓客之裸獻瑤爵皆贊

王禮賓而后亞裸王獻賓而后亞獻王酬賓而后以

瑤爵酬賓者皆內宰贊之

致后之賓客之禮

后致飲于賓客之禮則酒人共之而內宰

也

凡喪事佐后使治外內命婦正其服位 凡

建國

建立國都

佐后立市

王立朝而后立市內宰佐之

設其次

司市所居 置

其叙

胥師賈師等所居

正其肆

諸行列肆之等

陳其貨賄

諸物皆陳列之 出

其度量淳制

度謂丈尺量謂斗斛淳謂幅之廣制謂匹之長淳音準

祭之以陰

禮

婦人禮

中春詔后帥内外命婦始蠶于北郊

外命婦諸臣之

妻内命婦三夫人以下仲春始蠶之時也北郊正陰之地也

以為祭服

以親蠶而為祭服敬

之至

歲終則會内人之稍食

計嬪御之廩給

稽其功事

攷絲枲之

功

佐后而受獻功者

内宰助后而受女御所獻絲枲之功

比其小大與

其麤良而賞罰之

布帛縷小則良縷大則粗良則賞之粗則罰之

會内宮之

財用

計夫人以下所用財

正歲均其稍食

均其廩給

施其功事

施其絲枲

之憲禁令于王之北宮而糾其守

北宮後宮也表縣禁令于北宮而糾

宿衛之怠慢者上春詔王后帥六宮之人而生種種之種而

獻之于王

先種後熟曰種後種先熟曰種上春正歲春事將殷之時以助王親耕也種五龍反

稊音

六

內小臣

奄上士四人史二人徒八人此小臣以奄人為之奄謂精氣閉藏者掌王后

之命

命謂使令所為

正其服位

見內宰注

后出入則前驅

以其掌后之命

故后出入則前驅而往也

若有祭祀賓客喪紀

祭祀吉禮賓客則賓禮喪紀凶禮

擯詔后之禮事

三者有禮必有事擯則若執事介賓也詔則告之以言也

相九嬪

之禮事

相以助之相去聲

正內人之禮事

正以齊之嬪詔相正不同異尊卑也

徹后之俎

后於祭祀授俎於房既事則徹去之

后有好事於四方則使

往

好事謂恩好之事四方謂族親為四方諸侯者使往問遺之

有好令於卿大夫

則亦如之

好令謂恩好之令卿大夫謂族親有位於朝者也

掌王之陰事陰

令

陰事謂進御之事陰令謂王有所求為於北宮之令

閹人

王官每門四人園游亦如之主晨昏之啓閉

掌守王宮之中門之禁

王之

門有五臯門庫門雉門應門路門中門謂雉門

喪服凶器不入宮

為其不祥 潜服

賊器不入宮

為其害人潜服衣甲之類

奇服怪民不入宮

為其惑衆 凡

內人公器賓客無帥則幾其出入以時啓閉凡外內

命夫命婦出入

內命夫卿大夫之在宮中者命婦見內宰

則為之闢

開闢左右

人掌掃門庭大祭祀喪紀之事設門燎蹕宮門廟門

凡賓客亦如之

寺人

王之正內五人寺之言侍也

掌王之內人及女宮之戒令

內人女御

也女宮刑女在宮中者戒以飭其怠忽令以使之有為

相道其出入之事而糾

之相為之右道為之先糾察其違戒令者

若有喪紀賓客祭祀之事則

帥女宮而致於有司佐世婦治禮事掌內人之禁令

凡內人弔臨於外則帥而往立於其前而詔相之

內豎

偕寺人之數未冠者之官名

豎

掌內外之通令凡小事

內后六宮也外

卿大夫也童子出入便疾故使之通命令治小事焉

若有祭祀賓客喪紀之事

則為內人蹕

蹕止行人也

王后之喪遷于宮中則前蹕

及葬執褻器以從遣車

九嬪

王后立六宮三夫人九嬪二十七世婦八十一御妻不列夫人於此官者夫人之於后猶三公之於

王無官職也

掌婦學之灋

如下文所云

以教九御婦德婦言婦

容婦功

九御詳見內宰注婦德謂貞婦婦言謂辭令婦容謂婉婉婦功謂絲枲

各帥其

屬而以時御叙于王所

女御八十一人分屬九嬪以次序而進于王之燕寢凡

祭祀贊玉盥

王盥受黍稷器以玉為之盥音咨

贊后薦徹豆籩若

有賓客則從后大喪帥叙哭者亦如之

世婦

即二十七世婦也

掌祭祀賓客喪紀之事

謂在廟時

帥女宮而

濯

洗祭器也水滌為濯手拭為概概古愛反

為盥盛

為治擇也黍稷曰盥在器曰盛

及

祭之日

當祭日

涖陳女宮之具

春官世婦宮卿比女宮之具而此則臨視之涖

音利

凡內羞之物

內羞房中之羞盛物以薦

掌弔臨于卿大夫之

喪

王使往弔

女御

即八十一御妻也

掌御叙于王之燕寢

以九九而叙進

以歲時獻

功事

歲終之時獻絲枲之功事

凡祭祀贊世婦大喪掌沐浴后

之喪持翣從世婦而弔于卿大夫之喪

女祝

四人奚八人
女人掌祈祝者

掌王后之內祭祀凡內禱祠之事

內祭祀若五祀之類
祈福曰禱報福曰祠

掌以時招梗禴禳之事

招以召
祥梗以

禱災禴以會福禳
以禳禍禴古外反

以除疾殃

氣不行為疾禍適當為
殃四者所以除疾殃也

女史

八人奚有十六人
女人掌文史者

掌王后之禮職

后於禮事
所當職者

掌內治

之貳

內宰治王內之政
令而女史貳之

以詔后治內政

王后治內政
而女史詔之

逆內宮

於后宮之事有
所逆而治正之

書內令

於后宮之令有
所書而宣布之

凡后

之事以禮從

后舉則以禮籍從焉
猶太史之從王也

典婦功

中士二人下士四人府二人史四人工四人
賈四人徒二十人主婦人絲枲功官之長

掌

婦式之灋

婦式謂婦人事之模範法謂用財舊數也

以授嬪婦及內人女

功之事齋

嬪婦外嬪婦也內人女御也女功絲枲之事
功齋行費也授事者授其所為女功之事

授齋者授其所為女功之齋也

凡授嬪婦功

授當為受及秋獻功

嬪婦所為之功

及秋物成之時獻之于后辨其苦良比其小而賈之

布帛縷小則良善縷小

大則粗苦以此而定其賈良則貴之若則賤之若音古賈音價

物書而揭之

物物而書其價以揭

示之以

共王及后之用

取其良者以共貴者之用頒之于內府

以待邦之

大用

典絲

下士二人府二人史二人賈四人徒十有二人主婦功治絲事

掌絲入而辨其

物

絲入謂九職嬪婦所貢之絲因而辨其物之美惡

以其賈揭之

又以所直之賈揭而

示掌其藏與其出

藏以待用出以給用

以待興功之時

造練帛織文繡

各有所宜之功頒絲于外內工

外工外嬪婦也內工女御也當興功之時則各頒之皆

以物授之

若練帛則授以素絲文繡則授以采絲

凡上之賜予亦如之

亦以其及獻功

秋獻女功之時

則受良功而藏之

良當為苦受其粗苦

之功以給有司之功辨其物而書其數

其良功則典婦功受之

辨其物之美惡書其

數之以待有司之政令上之賜予有司之政令謂禮物法物之正也上

之賜予謂以絲而頒予也凡祭祀共黼畫組就之物喪紀共其

絲續組文之物凡飾邦器者受文織絲組焉邦器茵席

屏風之屬歲終則各以其物會之歲終之時則會計其所用

典下士二人府二人史二人徒二人掌布總縷紵之麻

草之物布總縷用麻之物紵用草之物以待時頒功而授以待與

頒之女工而授及獻功秋獻女功之時受苦物其良功入于典婦功以共

王及后以其賈揭而藏之與典絲同意以待時頒以待用

之頌衣服授之

當頌衣服之時各以其物授之

賜予亦如之

上之賜予亦然

歲終則各以其物會之

內司服

奄一人女御二人奚八人主裁縫官之長以奄人為之

掌王后之六服

其目

在褱衣

褱與輦同伊維而南素質五色皆備成章曰輦

揄狄

狄與翟同江淮而南青質五色

皆備成章曰揄

闕狄

闕狄刻而不畫此三者皆祭服

鞠衣

色象桑葉始生告桑之服也鞠音菊

展衣

以禮見王及賓客之服也

緣衣

御于王之服亦以宴居推次其色則緣衣黑展衣白鞠衣

黃闕狄赤揄狄青褱衣玄

素沙

今之白絹也六服皆以素沙為裏

辨外內命婦之

服

外內命婦見內宰注

鞠衣展衣緣衣素沙

內命婦女嬪服鞠衣世婦服展衣女

御服緣衣外命婦孤之妻服鞠衣卿大夫之妻服展衣士之妻服緣衣亦皆以素沙為裏

凡祭

祀賓客共后之衣服及九嬪世婦凡命婦共其衣服

共喪衰亦如之后之喪共其衣服凡內具之物

縫人

奄二人女御八人女工八十人奚三十人主裁衣者

掌王宮之縫線之事

掌王宮裁縫及所用之線

以役女御

為女御所役使

以縫王及后之衣服

女御掌造王及后之衣服縫人則為之役也

喪縫棺飾焉衣翼柳之材

掌凡內之縫事

染人

下士二人府二人史二人徒二十人主染事者染去聲

掌染絲帛

染絲者染而後織染

帛者織而後染凡染所染之時春暴練春陽燥達故暴夏纁玄夏暑

潤易可和釋故染秋染夏夏翟至秋五色皆備染者纁玄而為祭服擬以為度秋氣涼可以染

五色夏上聲冬獻功冬至功成並掌凡染事

追師下士二人府一人史二人工二人掌王后之首服

如下丈為副編次副所以覆首為之飾編列髮追衡

筭追治也王后之衡筭以玉為之副配褱掄編配闕

節之使平為九嬪及外內命婦之首服衣鞠衣展衣

衣者以待祭祀賓客凡此以待祭祀喪紀共筭經

亦如之

屨人

下士二人府一人史一人

主為屨者

掌王及后之服屨

著

必隨其服之色

為赤舄

復下四舄赤舄者天子六冕后闕狄之舄也

黑舄

天子玄端服之

赤纁黃纁

以赤黃之絲為下緣纁音纁

青句

以青絲飾屨頭之鼻句音劬

素屨

禪下曰屨

素屨有齒去飾用之

葛屨

夏衫絺綌以葛為屨冬則以皮為之

辨外內命夫命

婦之命屨功屨散屨

凡四時之祭祀以宜服之時

祭祀所用之服屨各有其宜

夏采


下士四人史一人徒四人

掌大喪以寬服復于太祖以乘車建

綏復于四郊

求之王平生常所有之事處乘車玉路于大廟以冕服不出宮也四郊以綏出

國門此行道也復謂始死招魂復魂也



周禮句解卷二

欽定四庫全書

經部

周禮句解卷三

四

詳校官監察御史_臣邱文愷

刑部郎中_臣許兆椿覆勘

總校官庶吉士_臣何思鈞

校對官助教_臣胡予襄

謄錄貢生_臣王時發

欽定四庫全書

周禮句解卷三

宋 朱申 撰

地官司徒第二

司徒曰地官者以其掌邦教而安擾萬民猶地之載養萬物也

地官司徒上

惟王建國辨方正位體國經野設官分職以為民極

並見

天官冢宰注

乃立地官司徒使師其屬而掌邦教

邦教即六典之

教典也地官其屬六十以佐王安擾邦國

佐助也因其所性而

導之謂之安矯其所
習而制之謂之擾

大司徒之職

卿一人 教官之職大而德行則教之小而徒役則司之司至於徒則教官所司皆

舉掌建邦之土地之圖與其人民之數

土地建其圖則知遠近之

所宜人民建其數則知多寡之所在以佐王安擾邦國

以佐助天子以而安擾邦國

天下土地之圖周知九州之地域廣輪之數

周徧也九州揚

荆豫青兗雍幽冀并也廣橫也輪從也東西為廣南北為輪凡此皆可按圖而知之廣去聲

辨其

山林川澤丘陵墳衍原隰之名物

積石曰山竹木曰林注瀆曰川水鍾

曰澤土高曰丘大阜曰陵水涯曰墳下平曰衍高平曰原下濕曰隰辨其名則知其所在辨其物則知其

所宜而辨其邦國都鄙之數辨邦國謂畿外諸侯邦國之數辨都鄙謂畿內

公卿采制其畿疆而溝封之畿即九畿見大司馬疆界也畿則溝水以為限

疆則分土以為守焉設其社稷之壇社土神稷穀神壇祭社而

樹之田主田主田神也樹立木以為表也各以其野之所宜木所宜木謂

松栢栗之類遂以名其社與其野若地宜松則名松社之野栢栗亦然以

土會之灋辨五地之物生會計也謂以土計貢稅之法也物生謂五地所宜動

植之一曰山林見上文注其動物宜毛物動物天產也毛物地產也

其植物宜阜物植物地產也阜物栢栗之屬其民毛而方居山林者其民

此如二曰川澤

同上

其動物宜鱗物

魚龍之屬

其植物宜膏物

楊柳之屬

其民黑而津

津潤也居川澤者其民如此

三曰丘陵

同上

其動物

物宜羽物

飛禽之屬

其植物宜覈物

李梅之屬有核者

其民專而

長

專圜也與方為對居丘陵者其民如此專音團

四曰墳行其動物宜介物

龜鼈之屬

其植物宜莢物

薺莢王棘之屬

其民皙而瘠

皙白也與黑為對瘠

腴也與津為對

五曰原隰其動物宜羸物

虎豹之屬羸力果反

其植物

宜叢物

萑葦之屬

其民豐肉而庠

豐厚也庠短也庠音婢

因此五物

者民之常而施十有二教焉

五地之物所生異宜五物之民所習異便其施

教也豈能違其性習之一曰以祀禮教敬祀禮謂祭

常哉十二教其目見下二曰以陽禮教讓陽禮謂

祀尚敬則民不苟敬故不二曰以陽禮教讓鄉飲之

禮鄉飲尚齒故也則民不爭遜讓故三曰以陰禮教親陰禮

姻之禮冕而則民不怨婚姻及時則男四曰以樂禮

親迎親之也則民不怨女無有怨曠

教和樂禮謂享燕作樂之則民不乖和故相協五曰

以儀辨等宮室車旗衣服之則民不越上下之分辨

六曰以俗教安五方民俗人情則民不愉安居樂業

愉音七曰以刑教中制刑以弼五教則民不于中

阜盛也。以蕃鳥獸。蕃息也。以毓草木。毓生也。以任土事。有事於地。

者皆任焉。凡此皆由辨十有二壤之物而知其種。壤亦

土也。分別物之所生。以教稼穡樹藝。遂以教民春耕秋穡以樹其木。

以藝其黍稷也。以土均之。灋辨五物九等。均平也。五物五

等上三等中三等下三等也。制天下之地征。地征者貢賦稅斂之總名。五物九等既辨。

則天下之地征可得而制矣。以作民職。民職即太宰之九職。以令地貢。地貢即太

宰之以斂財賦。財賦即太宰九賦之財。以均齊天下之政。以此

均平齊一天下之政也。以土圭之灋測土深正日景。土圭長一尺五

寸其法用之下可以測土深上可以正日景深去聲

以求地中

地中見下文注

日南則

景短多暑

夏至日正中時立八尺之表以候日景以土圭量之其景短於土圭則其地在日南

而多日北則景長多寒

其景長於土圭則其地在日北而多寒

日東則

景夕多風

景在表之東是地在地東也景夕謂日中時其景已如夕時也如此則其地多風

日西則景朝多陰

景在表之西是地在地西也景朝謂日中時其景尚如朝時也如此

則其地多陰凡此四者皆非地中也蓋地近南則多暑近北則多寒東方近海故多風西方多山故多陰

也日至之景尺有五寸謂之地中

夏至日正中時量以土圭其日景長

一尺五寸與土圭合乃地中也

天地之所合也

以其地當天地之中故曰合

四時

之所交也

四時於此而交通

風雨之所會也

風雨以陰陽之序而至

所和也

陰陽調而不乖

然則百物阜安

有生者遂有形者育

乃建王國

焉

則其地可以建立邦國焉

制其畿

此王國之畿也

方千里而封樹之

王畿

地方千里不特溝封之且樹木以為固也

凡建邦國

上言建王國此言建諸侯之國以

土圭度其地而制其域

日景移一寸則差千里故建諸侯之國亦以土圭度之制

其域者境界皆有營域封圻也

諸公之地封疆方五百里

諸公國大其地方五

百其食者半

山川林麓不可食者半也

諸侯之地封疆方四百里

降於公也

其食者參之一

不食之地二可食之地一參音三

諸伯之地封

疆方三百里

降於侯也

其食者參之一

與諸侯同

諸子之地封

疆方二百里

降於伯也

其食者四之一

不食之地三可食之地一

諸男

之地封疆方百里

降於子也

其食者四之一

與諸子同今按此五等

諸侯之地與孟子所言不同考之史傳周公之封於魯太公之封於齊皆不止百里孟子王制之言若與周制不合說者以周禮兼附庸而言及統山林川澤言廣封之制也

凡造都鄙

都鄙者王

畿內公卿采地所居曰鄙其界曰都

制其地域而封溝之

制地域與建邦國同封溝

見篇首注

以其室數制之

依都鄙城內室數於田野之中制地與之

不易之地

家百畝

不易之地歲歲可種是為上一家受一百畝晦古畝字

一易之地家二

百晦

一易之地兩歲一種是為中田一家受二百畝

再易之地家三百晦

再易

之地三歲一種是為下田一家受三百畝

乃分地職

若三農園圃之類

奠地守

若山

虞為之守禁之類奠音定

制地貢

若任農以耕事貢九穀之類

而頒職事焉

命分

官使各為其所職之事

以為地灋而待政令

地職地守地貢各有度數謂之法凡

此皆以待上之政令也

以荒政十有二聚萬民

荒凶年也救荒之政十有

二條聚民使不離散

一曰散利

豐年聚之凶年散之

二曰薄征

輕其征稅

三曰

緩刑

犯刑者緩縱之

四曰弛役

弛放其力役之事弛施氏反

五曰舍禁

舍山

澤之禁與民同利舍上聲

六曰去幾

去門闢之幾察去上聲幾音基

七曰青禮

吉禮

之中減其禮

八曰殺哀

凶禮之中殺其禮數殺色界反

九曰蕃樂

藏樂

數青音省

器而十曰多昏

婚姻殺禮使男女及時

十有一曰索鬼神

搜索鬼神

不作而祈禱之

十有二曰除盜賊

驅除盜賊以去民害

以保息六

索音色

養萬民

保安而使蕃息有一曰慈幼

年幼者慈愛之

二曰養

此六條以養萬民

老

年老者奉養之

三曰振窮

振之及其時則窮者通

四曰恤貧

恤之致其愛則

貧者

五曰寬疾

疾者寬之不

六曰安富

富者安之不

利者

以本俗六安萬民

本舊也因民舊俗有

一曰嫜宮

此六條以安萬民

室

上棟下宇以同其安嫜音美

二曰族墳墓

左昭右穆以同其葬

三曰聯兄

弟

或燕或食所以同其恩

四曰聯師儒

以賢以道所以同其善

五曰聯朋

友

鄉里同井學校同業

六曰同衣服

貴賤有常上下有制

正月之吉

建子

之月始和布教于邦國都鄙

始調和十二教以下之事而頒布此教職文書

于邦國

乃縣教象之灋于象魏

以地官之教法畫之為象而縣于兩觀縣

音使萬民觀教象

使萬民觀教法而儀則之

挾日而斂之

乃收斂三旬

使遠近皆知之挾音決

乃施教灋于邦國都鄙

乃施教民之法于外之邦國內

之都使之各以教其所治民

使邦國諸侯教邦國之民都鄙卿大夫教都鄙

之令五家為比

令六鄉之民各五家號為一比比毗志反

使之相保

居相親則

易相督察

五比為閭

一十五家號為一閭

使之相受

同門閭居足以相容

四閭

為族

百家為族

使之相葬

族相聚財足以相助

五族為黨

五百家為一黨使

之相救

有災寇足以相援

五黨為州

二千五百家為一州

使之相賙

有難

厄足以相濟

五州為鄉

萬二千五百家為鄉

使之相賓

賢能皆備于中相與賓而

興之

頒職事十有二于邦國都鄙

頒布民之職事十有二條

使以

登萬民

登成也

一曰稼穡

即三農生九穀

二曰樹藝

即園圃毓草木

三

曰作材

即虞衡作山澤之材

四曰阜蕃

即數牧養蕃鳥獸也

五曰飭材

即百

工飭化八材也

六曰通財

即商賈阜通財貨也

七曰化財

即嬪婦化治絲枲也

八

曰斂材

即臣妾治斂疏材也

九曰生材

即聞民無常職轉移執事也

十曰學

藝

謂學道藝者若禮樂射御書數是也

十有一曰世事

謂以世事教能則民不失職

十有二曰服事

謂為公家服事者若府史胥徒是也

以鄉三物教萬

民而賓興之

物猶事也興猶舉也三事告成鄉大夫舉其賢能而以禮賓之

一曰六

德

六者出於心故曰德

知仁聖義忠和

知別是非仁無私欲聖無不通義有斷制盡已

之心曰忠無所乖戾曰和知去聲

二曰六行

六者體之於身故曰行行去聲

孝友睦

婣任恤

孝於父母友於兄弟睦謂親於九族婣謂親於外親任信於朋友恤振於貧窮

三

曰六藝

六者見之於事故曰藝

禮樂射御書數

五禮六樂五射五御六書九數

以鄉八刑糾萬民

不從三物之教則設刑以糾合之

一曰不孝之

刑

考見上注

二曰不睦之刑

睦見上注

三曰不嫺之刑

嫺見上注

四

曰不弟之刑

不弟即不友也

五曰不任之刑

任見上注

六曰不恤

之刑

恤見上注

七曰造言之刑

訛言惑衆

八曰亂民之刑

亂民改作

以五禮防萬民之偽而教之中

禮即吉凶軍賓嘉之五禮所以節止

民之侈偽使其行得中

以六樂防萬民之情而教之和

樂即雲門大卷

以下六者所以蕩正民之情思使其心應和

凡萬民之不服教而有獄訟

者

不服謂不服十二教者爭罪曰獄爭財曰訟

與有地治者聽而斷之

有地

治謂鄉州之官司徒與之聽其獄訟而斷決之斷都玩反其附于刑者歸于士獄

官也其附麗于刑歸于士使刑之祀五帝祭祀五帝奉牛牲奉猶進也謂獻

腥差其肆肆陳骨體也謂獻熟也肆音剔享先王亦如之如祀五帝之禮大

賓客諸侯來朝稱賓卿大夫來聘稱客令野脩道委積令遺人於野路之上脩治

道途及委積芻薪禾米之等大喪天子之喪七月而葬帥六鄉之衆庶屬其

六引六引謂引喪車索也屬謂挽柩向壙而治政令檢校挽大軍旅大

田役大軍旅謂司馬九伐之事大田役謂治兵大閱之事以旗致萬民旗畫熊虎者也

刻日立旗而治其徒庶之政令所以申其教戒若國有大故

謂王崩則致萬民于王門以衛天子令無節者不行於天

及寇兵下有節乃得行所以防姦也大荒大札大凶年大疫癘則令邦國移民通

財民食不足移之以就有餘財之有餘通之以濟不足舍禁弛力有舍禁弛力之而不禁力

役之事弛之而不任薄征緩刑薄其征稅緩其刑法歲終則令教官正

治而致事正治謂脩其文書致事謂上其計簿正歲令于教官曰警其官屬

各共爾職共其所治之職脩乃事脩其所作之事以聽王命皆聽王之所命

其有不正有不正直而濫失者則國有常刑國有典常之刑

小司徒之職中大夫二人大司徒之貳掌建邦之教灋建立邦國教民之法

以稽國中及四郊都鄙之夫家九比之數

稽放也夫家猶言男

女也九比出九賦者之人數也比毗志反

以辨其貴賤老幼癘疾

貴為卿大夫賤

謂販賣者癘疾謂癘病也

凡征役之施舍

施與弛同舍置也征謂征稅役謂繇役貴與老

幼廢疾者皆弛舍其征役也

與其祭祀飲食喪紀之禁令

祭祀以奉神飲

食以養生喪紀以送死皆

乃頒比灋于六卿之大夫

比法即大司徒令五家為比之法也卿大夫職見後

使各登其鄉之衆寡六畜

車輦

衆寡謂民之多少車輦謂師行之具皆登載於簿書使知其數畜許六反

辨其物

家財以歲時入其數

以歲時入其登載之數

以施政教行徵令

施政

教謂行卿射之禮行
徵令謂起徒役之事

及三年則大比

大比謂更閱民數及其財物也

大比則受邦國之比要

比要謂大比之簿書也

乃會萬民之卒

伍而用之

會聚萬民閱其材堪充卒伍者以待使用卒子卒反

五人為伍

五人為伍

伍五伍為兩

二十五人號為兩兩去聲

四兩為卒

二百人為卒

五卒為

旅

五百人為旅

五旅為師

二千五百人為師

五師為軍

萬二千五百人為軍

一以起軍旅

用征伐也

以作田役

習戰陣也

以比追胥

捕盜也

令貢賦

制軍需也

乃均土地

均平也

以稽其人民而周知其

數

稽攷人民徧知多寡之數

上地家七人

一家受田百畝七口以上則授以上地

可

任也者家三人

可任力役者每家三人

中地家六人

六口則授以中地

可任也者二家五人

可任力役者二家共五人

下地家五人

五口以上

則授以下地

可任也者家二人

可任力役者每家二人

凡起徒役

起民

於役毋過家一人

每家可任者雖多惟一人為正卒毋音無

以其餘為羨

正卒之外皆為羨卒羨余面反

唯田與追胥竭作

惟田獵與逐捕寇盜則正卒羨卒並

行凡用衆庶

若國大詢于衆庶之類

則掌其政教與其戒禁

以政

正之教以導之戒以飭其怠忽禁以使之勿為

聽其辭訟

衆有辭訟則聽施之而辨其曲直

其賞罰

衆有功過則施之賞罰以示其勸懲

誅其犯命者

干犯王命其罪甚大故誅

之凡國之大事致民

大事自我作故所致毋過家一人

大故致餘子

大故乃不虞之

乃經土地

此謂造都鄙也經謂為之里數

而井牧

變故致義卒

其田野

制井田之法教以畜牧

九夫為井

一夫受田百畝其形如井田九百畝

字然四井為邑

方里而井謂四方各一里邑則方一里

四邑為丘

方四里四

丘為甸

甸方八里旁加一里則方十里為成甸繩證反

四甸為縣

方二十里四縣

為都

方四十里四都方八十里旁加十里則方百里而為一同也

以任地事而令

貢賦

地事謂九職之事貢謂九貢賦謂九賦

凡稅斂之事

此又非特九貢九賦所出

也

乃分地域而辨其守

分邦國都鄙鄉遂之守施其職

而平其政

施地守之職而均平其征稅焉政當作征

凡小祭祀奉牛牲羞

其肆小賓客令野脩道委積大軍旅帥其衆庶小軍

旅巡役治其政令大喪帥邦役治其政教凡建邦

國

諸侯之國

立其社稷

社土神稷穀神

正其畿疆之封

九畿皆有疆界封樹

以為固也

凡民訟以地比正之

民訟其是非不可無證故正以地之比隣地訟

以圖正之

地訟其疆界不可無質故正以地之圖

歲終則考其屬官之

治成而誅賞

教官其屬六十歲終則考其計簿有罪則誅之有功則賞之

令羣吏

正要會而致事

總羣吏之簿書而致其事之功狀以待考也

正歲則帥其

屬而觀教象之灋

大司徒縣教法之象小司徒則帥其屬而往觀焉

徇以木

鐸

木鐸金口而木舌撼之以警衆鐸達各反

曰不用灋者

不用教象之法者

國有

常刑

則用以典常之刑

令羣吏憲禁令脩灋糾職以待邦治

憲謂表縣之禁謂正絕之脩其法制糾其職事以待邦家有治則共之

及大比六鄉四

郊之吏

吏謂比長閭胥以上三年則大比也

平教治

平章其教治之優劣

正政事

論正其政事之得失

考夫屋及其衆寡六畜兵器

考其受田之夫居里之屋

及其人民衆寡六畜登耗兵器備乏

以待政令

以待國家政令所需則共之也

鄉師之職

下大夫四人上士八人中士十有六人旅下士三十有二人府六人史十有二人胥十有

二人徒百有二十人分掌六鄉

各掌其所治鄉之教

以一人共治三鄉之教

而聽其治

鄉大夫以下各聽其民鄉師又審察之治直吏反

以國比之灋以

時稽其夫家衆寡

國比之法即小司徒頒于六鄉者夫家謂男女衆寡謂民之多少

辨其老幼貴賤廢疾馬牛之物

馬牛以供田役為事餘見小司徒辨

其可任者與其施舍者

可任者用之施舍者不用施音弛舍音捨

掌其戒

令糾禁

戒者戒其怠忽糾者糾其緩散令所以使之從禁所以使之避

聽其獄訟

以審

其是非曲直焉

大役則帥民徒而至

有大役事鄉師則各帥其民徒而至

治其

政令

治所帥民徒之政令

既役則受州里之役要

役要役人比要也受州里

役要者以所役之民出於州里也

以攷司空之辟

辟謂功程以司空主役作故也辟音

闕以逆其役事

逆謂鈞考之也

凡邦事

國家有功力之事

令作秩叙

秩常也使多寡有常事有次叙

大祭祀

吉禮

羞牛牲

大司徒奉之卿師進之

共茅

藎

以茅為藎用以藉祭藎音租杜音道

大軍旅會同

軍旅軍禮會同賓禮

正治其

徒役與其輦輦

輦駕馬輦人挽行治徒役謂計久近勞役治輦輦謂計所出所任輦音菊

輦力展反戮其犯命者

干犯王命者戮之

大喪用役則帥其民而

至遂治之及葬執纛以與匠師御匱而治役及窆執

斧以涖匠師

凡四時之田

春蒐夏苗秋獮冬狩

前期出田灋

于州里

先田之期出田法于州以令六鄉出田法于里以令六遂

簡其鼓鐸旗物

兵器

簡選也兵以鼓進以金退以旗物指揮以兵器擊刺

脩其卒伍

脩治也百人為卒五

人為

及期

及田之時

以司徒之大旗致衆庶而陳之

熊虎為旗

鄉師為司徒致衆庶故以其大旗而陳之

以旗物辨鄉邑

六鄉公邑之民使各視其旗之

所在而從其屬

而治其政令刑禁

政令所以使之從刑禁所以使之辟

巡其前

後之屯

車徒屯聚前後異部巡之所以正其部伍

而戮其犯命者

見上注斷

其爭禽之訟

獲禽而有爭訟則斷其曲直斷都玩反

凡四時之徵令有

常者

謂鄉官屬民及田役之類

以木鐸徇于市朝

徇于市以令萬民徇于朝以令

百官鐸達各
反朝肖遙反

以歲時巡國及野

巡行國中以及野外

而賙萬民

之難阨

民有飢乏則周其急難音艱

以王命施惠

以惠之及下當自王出也

歲

終則攷六鄉之治

攷六鄉之吏治

以詔廢置

以詔於王而廢其怠者置其勤

者

正歲稽其鄉器

攷其良窳

比共吉凶二服

吉服是謂祭服凶服是謂

弔服共音恭下同

間共祭器

簠簋鼎俎之屬

族共喪器

素俎楬豆之屬

黨共

射器

弓矢決拾之屬

州共賓器

尊俎笙瑟之屬

鄉共吉凶禮樂之器

吉器即祭器也凶器即喪器也禮樂即賓射之器鄉大夫備集此四者

若國大比

三歲大比

則攷教察辭

攷其勤惰察其實偽

稽器展事

稽其是否展其廢舉

以詔誅

賞

以告於王而誅賞之

鄉大夫之職

鄉老二鄉則公一人鄉大夫每鄉卿一人六鄉分掌六卿之事

各掌其

鄉之政教禁令

以政為先教次之禁令則輔之者也

正月之吉

建子之月朔日

受教灋于司徒

受十二法以下之法于司徒

退而頒之于其鄉吏

分教法于州長至此長

使各以教其所治

卿吏受之以教所以治之民治直吏反

攷其德行

攷六德六行之賢者

察其道藝

察道德于六藝之能者

以歲時

登其夫家之衆寡

夫家衆寡稽之鄉大夫則登其版籍

辨其可任者

辨別

民力之強壯可任國事者

國中自七尺以及六十

七尺謂年二十國中晚征而早

舍以地近而役多故也

野自六尺以及六十有五

六尺謂年十五野則早征

而晚舍以地遠而役少故也

皆征之

總國中及野而言

其舍者

舍謂不征者

國

中貴者

以其有爵祿也

賢者

以其有德行也

能者

以其有道藝也

服公事者

以其有職任也

老者

以其有年也

疾者

以其無力也

皆舍

總六者皆舍之而不用

以歲時入其書

既登載于版籍每歲四時入其書於上

三年則大比

三年

一次大比

攷其德行道藝

德行謂賢者道藝謂能者

而興賢者能者

謂興

舉也

鄉老及鄉大夫帥其吏與其衆寡

鄉老謂三公分掌六卿吏謂州

長以下衆寡謂民

以禮禮賓之

用卿飲酒之禮以禮賢能而與之為賓客

厥明

賓賢

能之鄉老及鄉大夫羣吏獻賢能之書于王獻德行之道藝之

書以待王之官使王再拜受之重得賢能也登于天府天府掌玉鎮寶器

登賢能之書于天府寶之也內史貳之內史掌贊王制祿貳之者將詔而制其祿也退

而以鄉射之禮五物詢衆庶物猶事也謀于衆庶復求賢能養于鄉學以補

所興之缺一曰和和發而中節二曰容容動皆合禮三曰主皮不失正鵠四曰

和容容體比于和五曰興舞節比于樂此謂使民興賢總上文而言之

謂使民自舉有德行者出使長之出于民上使長民德長丁丈反使民興能民使

自舉有適藝者入使治之入于民間使治民事歲終則令六鄉之吏皆

會政致事

六卿之吏謂州長以下皆會計教政之功狀而致其所掌之事于卿大夫會音檜

正歲令羣吏攷灋于司徒

攷法謂攷司徒之教法受而行之

以退已攷

法而退

各憲之于其所治

憲懸表之也所治謂州卿黨族閭比

國大詢于

衆庶

國有大事而謀及于庶民

則各帥其鄉之衆寡而致于朝

大卿

夫各帥其鄉之吏民而致于外朝共詢謀之

國有大故

災變寇戎之類

則令民各

守其閭

二十五家為閭

以待政令

以待大司徒之政令

以旌節傳令則

達之

各守其節禁人往來惟以旌節傳政令文書者則不禁也

州長

每州中大夫一人二千五百家為一州

各掌其州之教治政令之灋

有教則有治政令則所以輔教治者法則其條目也正月之吉各屬其州之民

而讀灋

屬猶合也合聚其州之民讀教法而示之屬挽下同

以攷其德行道藝

而勸之

民之有德行道藝者則攷量而勸勉之

以糾其過惡而戒之

民之

有過惡者則糾察而警戒之

若以歲時祭祀州社

州各有社每歲春秋舉行祭祀

則屬其民而讀灋亦如之

其屬民讀法亦如正月之吉

春秋以禮

會民而射于州序

序學名春秋二時皆以禮會聚其民而行射禮于州之序會如字

凡州之大祭祀大喪皆泣其事若國作民而師

田行役之事

師謂征伐田謂田獵行謂巡守役則帥謂役作凡此數者皆須徵聚其民

而致之

致于司徒

掌其戒令與其賞罰

掌戒令所以率作事掌賞罰所以治

功過

歲終則會其州之政令

各會計一州之政令

正歲則讀教法

如初

復如正月之吉

三年大比則大攷州里

每歲皆攷其德行道藝矣三歲

大比又

以贊鄉大夫廢興

廢退也興進也廢興在鄉大夫州長特贊之而已

黨正

每黨下大夫一人五百家為一黨

各掌其黨之政令教治

州長掌其法黨

正則奉之以施于其黨焉治直吏反

及四時之孟月吉日

春夏秋冬則孟月吉日

屬民而讀邦灋

如州長之禮正月在州三時在黨

以糾戒之

以戒察警戒其

黨之民

春秋祭禴亦如之

禴謂祭日月星辰水旱之類其讀法糾戒如孟月也

國

索鬼神而祭祀

歲十二月大蜡之祭鬼神萬物而索祭之索音色

則以禮屬

民而飲酒于序

合聚其黨之民而行鄉飲之禮于序

以正齒位

以正齒序尊卑

之壹命齒于鄉里

一命為下士則以年與衆賓相次

再命齒于父族

再命為中士則以年與族人相次而衆賓不敢與之齒矣

三命而不齒

三命為上士則雖父

族亦不得而齒焉故席于尊東

其黨之祭祀喪紀昏冠飲酒教其

禮事掌其戒禁

凡作民而師田行役

凡起民為軍師田獵行狩

工役之事則以其灋治其政事

以什伍比聯之法治其師田行役之政事

歲終

則會其黨政

各會計一黨之政

帥其吏而致事

帥其黨之吏而致所治之

事於

正歲屬民讀灋而書其德行道藝

書之以待卿大夫州長所

攷

以歲時涖校比

族師以歲時校比黨正則親臨視之

及大比亦如之

族師至三年大比黨正亦涖之

族師

每族上士一人一百家為族

各掌其族之戒令政事

戒以敕其怠忽令所

以輔戒而政事則次之

月吉則屬民而讀邦灋

屬民讀法州長以正月黨正以

孟月族師則每月舉行焉

書其孝弟睦姻有學者

孝弟睦姻見大司徒弟即友也

有學講六藝也

春秋祭酺亦如之

災害之神祭而却之日酺其讀法亦如月朔也酺音

步以邦比之灋帥四閭之吏

邦比之法即五家為比之法也一族則四閭其

吏即閭胥也

以時屬民而校登其族之夫家衆寡

校而登之於鄉

大夫校聲教反

辨其貴賤老幼廢疾可任者

辨其人則知任舍之所宜

及

其六畜車輦

辨其物則知虛耗之所在

五家為比十家為聯

聯屬也兩

比合為一聯

五人為伍十人為聯

兩伍共為一聯

四閭為族八閭

為聯

二百家共為一聯

使之相保相受

相保則相督相受則相容

刑罰慶

賞相及相共

刑罰相及則有惡必去慶賞相共則有善必舉共音供

以受邦職

如此則安居樂業而邦職可受

以役國事

樂事勸功而國事可役

以相葬埋

往相視而葬埋可合葬如字才即埋莫皆反

若作民而師田行役

見州長注

則合

其卒伍

卒伍欲聚故合之

簡其兵器

兵器欲精故簡之

以鼓鐸旗物

帥而至

大司徒辨鼓鐸旗物之用而族師用之以帥民也

掌其治令戒禁刑

罰

民既至族師則以所職治令而號為之禁戒刑罰以警省之使之叶力治直吏反

歲終則

會攷致事

會其族之政於所攷致其族之事於所治

閭胥

每閭中士一人二十五家為閭

各掌其閭之徵令

徵令謂徵召之命令以

歲時各數其閭之衆寡

閭二十五家其衆寡可以數而計之

辨其施舍

族師辨其可任者閭胥辨其施舍者施音弛舍音捨

凡春秋之祭祀役政喪紀

之數

祭祀謂州社黨禁族酺也役田役也政音征謂鄉射也喪紀謂族相葬埋也政音征聚衆庶

四者皆聚衆庶既比則讀灋既比人數之後則讀法以戒敕之比音鼻書其敬敏

任恤者

敬以直內敏則有功田里相助為任鄉黨相濟為恤族師書其孝弟睦婣者閭胥書其任

恤者凡事掌其比隣撻罰之事

比長

五家下士一人為比比音鼻長上聲

各掌其比之治

比雖五家亦有治法

五家相受相和親

善則相容

有臯竒衰則相及

惡則相糾臯罪竒音

基衰似嗟反

徙于國中及郊

人有不便其居則須遷徙

則從而授之

比則

長授其所居

若徙于他

出居異鄉

則為之旌節而行之

授之者有節乃

達若無授無節

若遷徙而無授無節

則唯園土內之

園土獄城也如此則

是寇賊之民故置之園土也內音納

封人

中士四人下士八人胥六人徒六十人

府二人史四掌畿封者

掌設王之社壇

社壇祭祀之壇封人設之壇位

為畿封而樹之

畿上為溝積土於外以為封又樹木以為

阻固

凡封國

封五等諸侯之國

設其社稷之壇

為民立社故稷從焉餘見大司

徒

封其四疆

四邊皆有封疆

造都邑之封域者亦如之

大都小都

家邑三等采地亦封其四疆也

令社稷之職

祭社稷如牲幣器服之類各有職掌封人令之

使無廢職

凡祭祀飾其牛牲設其楅衡置其綏共其水

橐歌舞牲

音生

及毛炮之豚凡喪紀賓客軍旅大盟則

飾其牛牲

鼓人

中士六人 府二人 史二人 徒二十人 掌教金鼓

掌教六鼓四金之音聲

以鼓名官而四金亦在所教者金皆以節聲樂

鼓為主故也音聲謂八音五聲之節奏

以節聲樂

樂勝

則流故言節

以和軍旅

師克在和故言和

以正田役

田役欲正其行列故言正

教為鼓而辨其聲用

教擊鼓者大小之數又辨其聲所用之事

以雷鼓鼓

神祀

雷鼓八面鼓也祀天神則鼓之

以靈鼓鼓社祭

靈鼓六面鼓也祭地祇則鼓之

以路鼓鼓鬼享

路鼓四面鼓也享人鬼則鼓之

以鼗鼓鼓軍事

鼗大鼓也

鼓長八尺以軍事為大故也鼓音賁

以鼗鼓鼓役事

鼗緩也鼗鼓長八尺以役事勞民故

節之欲其緩也

以晉鼓鼓金奏

晉進也晉鼓長六尺六寸金作而後奏故欲其進也此即

上文所謂六鼓也

以金鐃和鼓

鐃淳于也鼓倡而和之鐃音淳

以金鐃節鼓

鐃鉦也鼓行而節之鐃音濁

以金鐃止鼓

鐃如鈴無舌鼓退而止之鐃女交反

以金

鐃通鼓

鐃大鈴也鼓作而通之此即上文所謂四金也鐃得落反

凡祭祀百物之

神鼓兵舞帟舞者

兵舞干戚之舞帟舞者兵繪為之所以形容百物之神有捍蔽被除

之功帟音弗

凡軍旅夜鼓鑿軍動則鼓其衆田役亦如

之救日月則詔王鼓大喪則詔大僕鼓

舞師

下士二人胥四人舞徒四十人掌教舞者

掌教兵舞

兵舞武舞謂干戚也

帥而

舞山川之祭祀

祭名山大川用之

教帔舞

帔以采繒為之

帥而舞社

稷之祭祀

祭土神穀神用之

教羽舞

羽析白羽為之

帥而舞四方之

祭祀

四方望祀用之

教皇舞

皇析五采羽為之三者皆文舞也皇注作望音同

帥而

舞旱暵之事

禱雨之祭用之

凡野舞則皆用之

凡小祭

祀則不興舞

無功德可形容

牧人

下士六人徒六十人

府一人史二人掌牧牲者

掌牧六牲而阜蕃其物

牛馬羊豕犬雞為六牲阜盛也蕃息也物謂色

以共祭祀之牲

牲純色也

凡

陽祀用騂牲毛之陰祀用黝牲毛之望祀各以其方

之色牲毛之凡時祀之牲必用牲物凡外祭毀事用

羴可也

凡祭祀共其犧牲

犧牲毛羽完具也

以授充人繫

之

祭前三月授之充人繫養之

凡牲不繫者共奉之

謂非時而祭祀也

牛人

中士二人下士四人府二人史四人胥二十人徒二百人主掌養牛者

掌養國之公

牛

公牛謂公家之牛

以待國之政令

以待祭祀賓客享食賓射軍事喪事之所需也

凡祭祀共其享牛求牛以授職人而芻之

享牛享祭之牛

求牛隔日繹祭求神所用之牛命牧人芻養之

凡賓客之事共其牢禮積

膳之牛饗食賓射共其膳羞之牛軍事共其犒牛喪事

共其奠牛凡會同軍旅行役共其兵車之牛與其牽
傍以載公任器凡祭祀共其牛牲之互與其盥簋以

待事

充人

下士二人史二人胥四人
徒四十人掌繫牲者

掌繫祭祀之牲牲

牧人共之

充人繫之

祀五帝

見大宰注

則繫于牢

牢闌也所以繫牲

芻之三

月

草食曰芻養之
三月而後用之

享先王亦如之

亦如祀五帝也

展牲則告

牲

隔日視牲充人則告純全

碩牲則贊

宗人告牲之充碩則贊之

周禮句解卷三